

明

史

關東落草詩

天文六

流星

星流星隕昔人皆以爲星變也西法謂之流火其說  
曰光照地氣蒸爲雲中有火土二體氣遇冷際化而  
爲焰火挾半升上至火際輕微乾熱遇火而燒狀如  
奔星其土勢太盛者有聲有跡遂成落星之石與霹  
靂同理若更精厚結聚不散附于火際即成彗孛各  
規其所起與其所指以辨吉凶顧靈臺候簿飛流之  
龍麟夜無有小者既多不勝書亦無甚關災異今錄

猶大者如左

興祚二年四月戊辰有流星大如杯青白色起天市  
垣東北行散爲三至虛宿沒七月己亥有星大如杯  
青白色起東北雲中徐徐東北行光明照地約四丈  
餘散作碎星沒于雲中十月庚辰有赤星如桃起吸  
梓至壘壁陣發光青白色有尾至羽林軍爆發有聲  
五小星隨之至土司空旁復發光燭天忽大梳曳赤  
尾盈天倉沒須臾東南有聲六年二月壬寅流星如  
杯青赤色起造父西北流五尺餘光發燭地經紫  
微東藩至角陳沒七年十二月庚申有星青赤色尾

長五尺餘起北斗魁上約流五尺發安照地孫孫  
西南行至軒轅左角旁分作五小星沒九年三月已  
卯有青赤星初大如桃起天槍西南流丈餘忽大如  
杯光明照地至角沒十四年五月己酉有黃白星自  
羽林軍西南委曲行復還至羽林軍沒十五年十二  
月己亥大星赤色光燭地起天船至天大將軍分作  
五星至奎沒二十二年七月甲午有星自外屏西南  
流三丈餘化爲白雲二十七年二月己亥有青赤星  
大如盂起正南中隱隱有聲西南行至雲中沒三十  
二年九月有長星西隕聲如雷永樂元年閏十一月

丁卯有蒼星大如斗光燭地出中天雲中西北行隆  
隆有聲流王丈餘至雲中二年五月雨赤星大如  
華有光出中天雲中西北行至雲中三年三月己未  
有青白星大如碗尾光燭天地出角有星入井散  
十六年十二月辛巳有星大如斗青赤光燭地起柳  
東行至近濁二十二年五月己亥有星如醃青白光  
燭地起東南雲中西北行至雲中有聲如砲七月庚  
寅有赤光星如碗起奎入參炸散衆星搖動九月戊  
戌有黃白星大如梭見牛光燭地有聲如撒沙而宣  
慶元年十二月己巳有赤光星如碗出卷舌東行遇

東井墮地有聲如雷四年七月丙寅有星如杯青赤  
起東北流三丈餘分爲二一小星隨之行至西北沒  
七年正月戊寅流星大如椀色青白光燭地起中天  
北行有聲如雷十二月乙未曉刻流星如椀青白光  
燭地出軒轅西南行至雲中有聲如雷八年七月壬  
戌已刻北方有流星大如椀色青白有光西北行至  
雲中有聲如雷九年二月己未未刻西北有流星大  
如斗色赤有光西行至濁十月甲辰朔有星大如杯  
青白光起正東游氣行文餘光大如椀至東南流濁  
有聲如雷正統元年八月乙酉昏刻至曉大小流星

百餘十三年丁卯赤星如椀光照地出折威北流至  
天市西垣外炸散有聲三小星隨之四年三月戊午  
西方流星如椀出光有聲出貫索北行至文昌二小  
星隨之七月辛未北方有星大如雞子流二丈餘發  
光大如椀有聲尾跡赤光燭地出紫微垣右樞星旁  
東南行至天囷尾跡化爲赤白雲徐徐南行良久乃  
散八月癸卯自夜達旦流星大小二百六十餘六年  
五月己丑流星如盃青白色出尾至房七小星隨之  
廿二年六月戊寅四更西方有星如椀流丈餘發光  
如斗青白光燭地起天津至羽林軍尾跡炸散後

有斗餘小星隨之有聲如雷十四年十月癸丑有星  
大如杯赤光燭地出三師西北行至少弼尾跡化爲  
蒼白氣一道長餘五尺狀如蛇徐徐西行十二月戊  
申流星如杯白青色有聲光明照地出太乙旁行文  
餘發光如斗東南行至天市西垣內後有四小星隨  
之景泰二年六月丙申大小流星凡八十有五八月  
壬午有赤星二一大如桃一大如斗有光燭地一出  
紫微西蕃北行至陰德三小星隨之一出天津東南  
行至河南十餘小星隨之尾跡炸散有聲如雷四年  
二月丁酉流星如杯色青白出右攝提行文餘大如



火光燭地入天紀一小星隨之三月乙丑流星大如  
杯赤光燭地行丈餘大如碗出貫索至太微垣帝座  
旁尾跡後散爲蒼白氣五年正月辛酉有青白星大  
如杯行丈餘如碗光燭地出氏行至從官十餘小星  
從之七年十月甲辰昏刻東方有赤星如碗起畢發  
光如電照地四小星隨之聲響如雷東沒游氣天順  
元年十一月辛巳青白星如杯光燭地出華蓋至天  
鉤十餘小星隨之有聲隆隆二年三月庚寅日將晡  
有流星如杯青白光起自天中墜于正東游氣三年  
正月甲申大星赤光曲曲如蛇流危宿四年八月辛

其南方有星大如椀色赤發光如斗有聲如雷自昴  
西南行至近濁十二月乙酉有青白星如杯出北河  
先大如椀西北行至近濁二小星隨之有聲如雷五  
年九月庚子流星青白光燭地出危至北落師門化  
蒼白雲長丈餘屈曲南行六年七月戊申流星青白  
光燭地出天苑入參十餘小星隨之八年二月壬子  
東方有流星如椀大光燭地自天市至天津尾跡化  
蒼白雲氣如蛇形長丈餘良久散成化元年五月庚  
午南方青白星如椀光燭地長丈餘隆隆有聲至正  
南中祚最三年五月乙丑朔南方青白星如盞光照

地自浙鼓行史餘發光太如挽東北行至奎尾跡炸  
散十餘小星隨之十二年十一月乙丑延綏波羅堡  
有星二形如轆軸一墜樊家溝一墜本堡紅光燭夫  
平六年九月丙戌申刻福建建寧府有星自西南流  
東北有聲如雷二十年五月丙申廣東番禺縣大星  
墜東南有聲如雷散爲小星十餘既而天地皆晦良  
久乃復九月己亥山西澤州星隕聲如雷十二月己  
卯廣東陽江縣有大星墜西方光焰燭天聲如雷止  
雨辛年正月甲申朔申刻有火光自中天少西下墜  
虎白氣復曲折上騰有聲踰時西方有赤星大如枹

晉冲天西行近濁尾跡化白氣曲曲如蛇行良久正  
西轟轟如雷震地二十三年十月乙亥夜西北流星  
大如盞青白光燭地自畢行長丈餘發光如盞東行  
彗河北尾跡化白雲氣曲曲如蛇行良久漸散弘治  
元年八月戊申巳刻南方流星如醃色青白自南行  
丈餘發光如盞西南至近濁尾化爲白雲氣曲曲如  
蛇行良久散二年七月戊辰遼東有大星光如電起  
東北墜西北聲如雷十月甲午遼東廣寧衛有星自  
西北徃東南光如電聲如雷四年三月乙巳酉刻南  
京見西南流星大如盞色赤起雲中行丈餘發光如

監天有聲尾跡炸散十月丁巳河南光山縣有星亦  
如雷自西南往東北聲如鼓入地化爲石如斗星  
自光州及商城亦見大星飛空如光山所見十一月  
甲戌真定府星隕西北紅光燭天俄天鳴西南聲如  
鼓又若奔車五年九月丁亥河南信陽州有大星紅  
光燭天自西北流東北而隕聲如鼓六年五月丁亥  
遼東有流星大如斗紅光如雷聲如鼓七年三月丙  
辰山西解州有星大如盃俄散爲五各長數尺墮而  
民鳴聲如鼓河南陝州有星大如斗光芒照地自東  
漸流于西北零散而隕有聲如雷又有星如轆軸赤

舊唐書五月宣府山西河南晝星隕八月辛酉巳刻  
西方流星赤黃光燭地自中天西行至近燭尾跡炸  
散十一月辛亥福建建寧府流星自東南至西北有  
聲如雷是歲宣府白日有星如斗隕地有聲化爲白  
氣八年二月辛酉陝西肅州衛天鼓鳴星隕四月丁  
巳山東廬城縣有星自東北流隕西南紅光燭天聲  
如雷辛未夜江西鉛山縣有星如輪流于西北而隕  
其聲如雷九年正月戊申昏刻南京北方有星如盞  
青白色自文昌行文餘發光如斗二小星隨之至正  
朔炸散有聲如雷閏三月戊午陝西平涼府東南有

流星如月紅光燭地至西北止既而天鼓鳴十年正月壬子陝西寧夏衛有星大如斗色黃白光長三丈餘丈一小星隨之隕于西北偶天鳴如雷者數聲鄭州有星自西北流于東北天鼓鳴二月壬午申刻東南流星青白自中天南行至近濁四月辛丑大同陽和衛昏刻有星赤光如火流自東南至西南而隕聲如雷九月乙巳昏永平府有星大如斗光掩月自西北隕于東南有聲十月壬午山東萊州府星隕天鼓鳴十一年正月癸亥陝西肅州有流星大如房響如雷良父歲上月戊辰陝西寧夏洛陽川墩有流星次

嘉平天鳴如雷十月壬申曉刻東方赤星大如盞起  
東北行丈餘發光如斗光燭地東南行小星數十隨  
之十一月丁巳遼東寧遠衛星隕有聲如雷十二年  
九月辛酉廣東海南衛有星大如月自東北起至東  
天漸大墜西南隱隱有聲如雷癸亥河南永城縣有  
星自東北流而西光如火響如雷十月庚寅陝西鳳  
翔府有星流自西南墜西北光如火聲如雷十三年  
八月癸巳廣西融縣有星流自西南至西北長丈餘  
大如箕十四年七月戊辰南京流星墜于東北有聲  
如雷閏六月辛巳山東壽光縣有星大如車輪赤光



燭天自東南墮西北夫鼓鳴八月丙辰融縣一星有  
尾長丈餘起西南流于西北十五年十月丙午卯刻  
山東濟寧州有星起西南光如電至東北而墮夫鼓  
鳴十六年正月己酉南京有星晝流甲戌夜南方流  
星如盞青光燭地行至西北墮有聲如雷十七年三  
月丁卯廣東合浦縣有星大如箕赤光燭地流自西  
北至東南而裂聲如鼓乙亥戌刻山東安丘縣有星  
流自西南至西北而沒夫鼓鳴十八年正月庚寅遼  
東星墮大如斗癸丑辰刻山東登州等府有星流自  
西北至西南而墮光丈餘已而夫鼓鳴者三八月戌

泰山東濟寧州及魚臺縣有流星墮于西北霹靂  
鳴十月乙卯赤星光燭地自軒轅行至五車尾跡化  
爲白氣正德元年正月己丑流星青白光燭地自軒  
轅行至五車尾跡化白氣一道三月壬午流星如梳  
青白光燭地起天市西垣至紫微垣西藩尾跡炸散  
聲如雷二小星隨其後天鼓隨鳴癸未將旦有星如  
此其光如電自東南流隕西北繼而天鼓鳴如雷六  
月丙寅山東沂州有星如斗赤色自東南流于西北  
一小星隨之八月丙辰大名府西南有星火光一道  
而過此沒有聲如雷十月癸亥陝西慶陽府有流星

其聲如雷甲戌漳州府有星如椀墮于地其聲如雷  
十二月庚午寧夏中街有星如椀墮地又空中有紅  
光約大二畝鞏昌府有流星赤光如火自東北往西  
南聲響如雷數小星隨之二年二月之酉晚刻萊州  
府天鼓鳴繼有赤星如盤自西北流往東南八月戌  
寅流星如彈青白光照地起畢南行至雲中沉沉有  
聲如雷己亥寧夏衛有大星自正南起流往西南踰  
壁後有赤光一道濶三尺長五丈十一月丙辰苑州  
濟寧州及魚臺縣見星紅如火而墮天鼓鳴甲子寧  
夏衛有星自東北流西南墮而有聲數小星隨其後

四年十月庚寅巳時南方流星如彈清白光起中天  
流至東南近濁四年八月丙戌大星見山東益都臨  
淄樂安等縣紅光如虹起西南向東北閏九月壬戌  
赤星祭光如盞自天津至天樞而墜聲震如雷五年  
四月丁亥雷州有大星如月自東南流西北分爲二  
尾如彗隨沒聲如雷辛亥四川通江縣有星晝見大  
如斗光芒青尾長丈餘六年二月丁未陝西寧夏有  
大星隕于西南光芒丈餘頃之天鼓鳴三月丙子山  
東曹州有流星見西南其光燭天頃之天鼓鳴其聲  
如雷五月庚戌朔泰安州有星流空中天鳴如雷八

明癸卯四川崇慶衛有流星如箕尾長四五丈紅光  
燭天自西北轉東南三首一尾墜地作白色復起綠  
焰高二丈餘聲如雷震十二月丙戌山西澤州西北  
有流星如斗墮于西南天鼓隨鳴七年三月丁未河  
南柘城縣星如火自東北至西北天鼓隨響如雷八  
月丙午河南開封府有流星明明如月起東南至西  
北天鼓隨鳴十月壬戌山東兗州府流星如斗光赤  
聲震如雷八年八月甲辰廣東雷州府流星大如月  
起東南沒于西北聲如雷九年正月戊辰揚州府通  
縣有大星如斗自西南流東北耀如晝天鼓隨鳴

月丁未山東單縣流星大如斗赤光如電自東北至  
西南沒天鼓隨鳴十月庚寅朔四川松潘衛有星大  
如斗尾長八尺自東流西聲如雷戊午四川大足縣  
流星如火自東南往西北尾長數十丈光芒燭地火  
頃雷震南方竟刻乃止十一月辛酉陝西鞏昌府流  
星從北起墜于北光如火有聲如雷壬申山西解州  
流星自東南往西北大如斗光如火聲如雷十年四  
月癸卯遼東廣寧邊堡有星自西北隕于東南聲如  
雷壬子揚州府通州大風雨有星如火自西北流東  
南聲如雷癸丑二年六月壬申江西建昌縣有星自東

南流至西北光焰燭天天鼓隨鳴癸酉寅刻廣東增  
城縣有星如斗化爲白氣而沒十三年三月癸丑庚  
酉莊浪衛有星光如電自西北往西南而隕噴之天  
鼓鳴十四年十月壬戌流星赤色光明照地起自下  
台行至招搖尾跡化爲白氣十五年正月丁未酉刻  
星隕于山西龍舟谷巡檢司聽事二月甲申山西平  
陽府及洪洞趙城縣有流星如火自東而西有聲如雷  
山東臨淄樂安縣亦如之四月丙戌陝西鞏昌府有  
星如日色赤東方流西南而隕天鼓鳴嘉靖元年八  
月壬辰赤星如盞尾有光起勾陳奎榮微藩外尾跡

雅爲白氣曲如蛇行三年五月乙丑壽州霍丘縣未  
鼓鳴有流星大如斗從西南往東北五年十月壬戌  
壽州衛有星隕如升天鼓鳴十一年四月蕭州衛星  
隕十二年九月丙子流星如盞光照地自中台東北  
行至近濁尾跡化爲白氣四更至五更四方大小流  
星縱橫交行不計其數至明乃息十三年四月壬寅  
鳳陽縣星隕如斗光燭地天鼓鳴如雷十四年九月  
戊子河南開封府白晝天鼓鳴如雷有星如盃東南  
流衆小星從之如珠十九年五月辛丑冀州棗強縣  
星隕爲石二十年五月癸未大同府有大星東南流



其光如炬天鼓鳴九月甲辰陝西淳安縣有星東南  
流大如斗其聲如雷二十二年三月癸卯山西潞安  
府星隕有聲如雷二十五年八月戊戌午刻南方有  
星赤色光如斗大起中天西南行至近濁隆慶元年  
十二月甲午辰刻流星如盞青白色自中天東行呢  
跡有光長二丈餘二年十一月丁未山西太原府天  
鼓鳴有星隕如斗光芒二丈餘四年二月丁卯青州  
興隆衛星隕聲如雷五年六月甲午宣府星隕大如  
并萬曆三年五月癸亥蓋河間府景州天鼓鳴有流  
星二隕化爲石黑色十一月庚子辰刻四川松潘衛

有流星二各長丈餘自東流西南天鼓隨鳴四年十一月甲午有四星隕費縣火光照地質明落赤點于城西北色如硃砂長二里濶二尺是月臨漳縣有星長尺許白晝北飛十一年十一月己亥流星赤色自胃西南行有星如沉雷二小星隨之十三年四月壬子宣府實星如火天鼓鳴如雷七月辛巳有星如盤實于沈丘縣蓮花集天鼓鳴十五年三月丁巳平涼天鼓鳴有大星墜光如電六月丙寅山西平陽府晝隕星丁卯辰刻山東平陰縣一星如斗火光起東南落西北震響如雷十六年九月壬申山西偏頭所星

隕十七年正月庚申有星隕陝西西寧衛天鼓鳴十八年  
鼓鳴癸亥星隕于山西之新開口天鼓鳴十九年  
月丁酉順德府星隕如火隱隱如鼓聲三月乙卯  
州墜一星聲如雷光如燭少頃天鼓鳴聲如雷十九  
年五月己丑甘肅星隕二處六月壬寅陽和城星隕  
天鼓鳴七月甲戌西寧衛星隕天鼓鳴十一月丁丑  
大星隕于永昌古城堡二十年二月丙辰有三星隕  
閩縣東南五月甲子涼州星隕四小星隨之尾長二  
三丈二十一年十月戊戌陝西白馬城堡天鼓鳴星  
寶大如斗二十二年正月戊戌保定靖山口有米飛

塵餘光若莖長二十餘丈八月壬戌東北方有赤星  
如蓬聲如雷二小星隨其後十月壬戌馬城堡大星  
若斗落地天鼓鳴二十四年五月庚辰撫寧縣隕星  
爲石三十四年八月壬戌河內天鳴星隕二十七年  
二月癸巳蓮化縣西北一星光如皎月流至東北方  
庚子遼東蓋州衛天鼓鳴連隕大星三十八年正  
月丁卯申刻西北方有星青白光北行入雲中三十  
年八月甲寅有長星首赤尾白有聲中裂自東流西  
南九月己未朔有大星見東南色赤如血大如椀忽  
地爲革攢聚各大如前中一星更明久之會爲一大

如簾辛巳有大小星數百交錯行十月壬辰南京星  
隕五更流星起中天光散七道有聲如雷三十年  
十一月庚辰申刻大星如越自泉州南流有聲如雷  
三十二年三月戊辰太同陽和諸地見流星火如斗  
先白後赤光芒燭地三十三年九月戊子有星如柷  
墜于南京龍江後營光如火至地游走如螢移時滅  
己丑復有星如月從西北流至閩兵臺分爲三墜地  
有聲十一月南京教場有星墜地無跡三十五年十  
一月癸巳星隕于西安府涇陽淳化諸縣其星大如  
車輪赤色尾長丈餘聲如轟雷三十八年二月癸酉

陽西陽曲縣有流星大如斗墜落西北碎星不絕隨  
時天鼓鳴四十一年正月庚子真定府天鼓鳴流星  
晝隕有光五月甲子四川廣安州星隕聲如雷四十  
五年五月戊申晝星墜于清豐縣之東流村聲如雷  
四十六年十月辛酉有星如斗隕于南京安德門外  
聲如霹靂化為石重二十一斤天啟二年十月壬辰  
大同蔚州有星大如斗隕于西北隨時正北天鼓太  
鳴三年九月甲寅陝西固原州星隕如雨六年八月  
庚申雲南永崖宣撫司有星如月隕聲如砲七年三  
月己巳黃赤星見東北如旣尾光燭地自天棊入紫

散垣經少宰入勾陳尾跡化白雲崇禎七年八月有  
火星起狗國墜大同兵營九年六月丙子有赤星如  
斗芒耀數十丈自西而東聲如雷八月癸酉有赤火  
星西流空中有聲十四年高郵湖隕星大如屋米五  
年夏星流如織十六年五月有星隕于西南前有三  
星次第而隕每一星之後小星如雨十七年二月星  
隕如雨三月朔有星隕于御河

### 雲氣

雲氣有始帚如虹如足布如魚鱗如臺閣諸狀而都  
郡紛紛蕭索輪囷者則爲慶雲其他蒼赤白黑黃赤

錄其色占馬

洪武四年四月辛丑五色雲見戊申乙酉十一月壬戌五年正月庚午丙子六月辛巳七月己酉至壬子八月己亥六年六月丁丑七月癸卯七年四月丙午五月丙戌癸巳甲子六月乙未朔乙卯七月己卯八月辛酉八年正月壬申四月丁未五月庚午癸未六月壬辰己亥十月庚戌九年八月癸巳十四年九月甲申俱五色雲見十一月壬午黑氣亘天十五年正月甲申五月庚申九月乙卯丙寅十一月辛酉十八年四月癸巳乙未五月辛未甲申六月癸丑十九年



九月壬午五色雲見二十年十一月丁亥卿雲見  
廿十年五月乙卯黑氣亘天五月乙酉五色雲見七  
月丙戌黑氣亘天二十七年六月乙卯卿雲見永樂  
廿五年六月戊申朔武當山頂五色雲見十七年九  
月丙辰十二月癸未慶雲見二十二年十二月壬戌  
自昏至一更有黑氣生西北長五丈濶一尺洪熙元  
年二月癸酉庚辰三月乙未五色雲見六月丙午申  
矢有白氣一道東西竟天良久乃散宣德元年二月  
戊戌夜北方有黑雲一道東西竟天四月癸未夜西  
北有虹六道色蒼白鮮明六月癸未夜有蒼白雲一

通東西、竟天七月乙未曉刻中天生蒼白雲一道廣  
二尺餘東西竟天八月癸酉昏刻中天有青氣三道  
長如足練東南行甲戌東南有白氣一道如決堤戌  
寅昏刻中天有青雲狀如杵南有黑雲狀如覆船十  
一月丙辰北方有蒼白雲一道廣三尺餘東西竟天  
丁巳夜中天有雲一道貫北斗南斗竟天東行至濁  
二年三月辛卯昏刻南方有蒼白雲一道起天園東  
掃翼軫十月戊寅日未出有紅雲一道起正東濁西  
南行四年六月戊子夜五色雲見二年閏十二月戊  
子夜北方生蒼白雲二道長三丈餘六年二月壬子

昏刻西方生蒼白雲一道南北竟天七年六月壬辰  
商入後有青霞二道東西竟天正統元年八月廿卯  
夜黑雲二道東西竟天九月辛亥未刻黑氣一道兩  
旁色蒼白廣餘二丈西南東北亘天二年六月癸酉  
日入後東南有蒼白雲氣一道東西約長十丈餘北  
月壬寅夜北方生白虹一道兩頭至地八月甲申夜  
北方黑氣一道東西亘天西行而散三年七月己亥  
夜中天有蒼白雲一道南北亘天貫南北斗中并月  
癸丑夜北方黑雲氣一道東西約長十餘丈濶三尺  
餘四年四月庚寅夜東方有白虹一道南北至地入

月丙戌夜東北方黑雲一道長二丈濶五尺辛丑夜  
東方黑雲濶二尺南北亘天辛丑夜東南方黑雲衡  
二丈南北亘天八年十一月戊辰東南方生蒼白雲  
一道濶餘二尺東西亘天九年十月丙午夜五鼓北  
方生黑氣一道長餘十丈濶餘五尺離地餘三尺徐  
徐北行漸散十一年二月辛酉有異氣見華蓋殿金  
頂及奉天殿鸛吻之上十四年二月辛未北方生白  
雲一道東西亘天良久漸散十月庚申蒼白雲一道  
西南東北亘天復作三道癸亥昏刻西南赤黑氣如  
火烟須臾化蒼白氣重疊六道徐徐北行至中天而

散壬申日初出東方有黑雲五道中高兩尾銳而異  
十未月庚辰夜黑氣一道東西直天濶餘五尺巳丑  
晡時西方有黑氣從地而生非雲非霧髣髴烟嵐之  
狀徐徐北行而散景泰元年閏正月癸酉酉刻西方  
有氣上黃下黑蔽天漏盡乃散甲戌夜南方蒼白雲  
一道濶餘二尺離地十丈許徐徐西南行須臾漫如  
烟霧蔽天二月己卯西方生黑氣如烟火散漫良久  
乃消壬寅夜黑氣南北亘天三月戊辰晡正西生赤  
黃雲數千段須臾散漫如火有光燦耀四月甲戌朔  
酉北黑氣如堤南北亘天五月丁未東方赤雲如火

嶺北黑雲長十餘丈濶一丈徐徐南行八月甲戌有  
黑雲如山頂刻散漫數段形如龍虎夜有雲氣如麋  
鹿驚奔俱南行九月辛酉夜黑雲數丈橫貫北斗魁  
蒼白雲三道東西亘天丙寅有蒼白雲氣南北亘天  
濶餘三尺兩頭俱銳十月辛未朔昏刻西南黑氣如  
烟火南北亘天二年四月庚辰西北黑氣如烟摩地  
而上甲午西方黑氣如烟霧從地而生徐徐南行三  
年正月癸亥晚刻東南有黑雲去地不遠形如人戴  
笠而揖天順元年三月癸酉日晡西北赤氣如雲六  
月甲辰北方有黑氣濶而厚如山林烟火狀二年七

月戊申白虹見東方其勢直起如山銳長餘十丈九月辛丑南京日入後西方有赤氣如火影至戌時散十月己巳南京日入後西南方有赤氣如火影光明燭地至亥時散十二月甲子夜正北火影中見赤氣一道濶餘二尺直衝中天約餘五十丈其形上銳狀如立槍三年十二月甲戌夜南方火影中見赤氣濶餘二尺長餘十丈其形上銳如立直衝中天四年八月乙丑西北有黑色游氣摩地而生徐徐南行五年無月己亥朔夕東方有黑氣起須臾蔽天七年十月戊申蒼白雲一道長餘二十丈東西橫貫天格天廚滅

化二年三月辛未卯刻南方白雲氣生濶尺餘東西  
竟天至辰始散三年七月癸酉東北方生白虹兩頭  
自地出良久方散八年十二月癸酉夜西南赤氣一  
道如槍形名曰天鋒十二年十二月己卯夜西北方  
赤氣一道衝天長五丈許狀如矛鋒二十一年正月  
丙戌酉刻惠州府月下發光前銳而青後大而赤約  
丈餘兩旁有黃白氣自西飛東北有聲沒入雲響如  
雷弘治五年二月己巳夜北方生黑氣東西亘天八  
年七月甲午夜京師北方白蜺見色蒼白鮮明十三  
年二月己亥巳刻白虹彌天十七年二月癸丑巳刻



白虹彌天十八年十月庚午五色雲見于泰陵正德  
元年春白氣亘天十二月青州府有氣如龍色紅黃  
久之變青白而散二年八月慶雲見翼軫九年十一  
月癸酉山西襄陵縣西南白氣二道如帚十一年五  
月江西有紅白雲起若陣俄列爲城池麗譙見人馬  
如攻闕狀十二年閏十二月丁丑戌刻江西瑞州府  
東方有赤氣一道尋變爲白形如曲尺中有黑氣與  
外黑氣相闕移時沒嘉靖元年正月丙戌己刻白虹  
彌天七年十二月望白氣亘天起乾指坤四十二年  
六月黑虹見北方隆慶二年四月甲申宣府空中有

赤黑二道雲如闕六年正月庚申夜北方有赤氣如火光萬曆十年二月癸卯甘肅赤白雲氣見十二月陝西涼甘等地赤白氣統匝半天十九年二月丁丑涼州衛見黑氣如月五月己丑甘肅天降白氣一道十月癸酉天鼓鳴白氣凝聚三十三年十月丙辰夜北方有赤白氣入紫微三十七年二月壬戌夜白雲氣一道濶二尺餘如疋練從巽至乾穿氐入太微垣及北河井宿良久乃散四十八年七月丁酉夜白氣如疋練亘三丈見于中天貫牛女歷軫翼而散泰昌元年九月己亥昧與赤氣映天如赭十二月辛巳有

霓二長竟天見于東北方庚子夜有霓一見于西北  
方十二月丁未夜西北赤氣如火天啟元年二月壬  
申夜四方皆黑雲起西方有聲四年六月癸巳午刻  
南方五色雲見六年閏六月己未西北方出蒼白雲  
氣流東南是月登州衛有紅雲起西南向角樓崇禎  
十年十二月比夜赤氣滿天十一年九月庚申朔戊  
刻白氣如練經太微垣南指坤十二月辛卯午刻黑  
雲見嘉興東方二刻而退十三年正月丁卯夜東方  
黑氣彌空凡三夕十一月己丑靖江赤氣彌天十六  
年十二月庚午午刻白氣如劍起西太微垣指東南

極目不能竟十七年正月庚寅朔寅刻赤氣亘天

明史

五行志敘

五行之說昉於洪範箕子言天錫禹洪範九疇初一曰五行以水火木金土爲次第傳曰皆其生數也在易天一生水地二生火天三生木地四生金天五生土其數亦符箕子又言水曰潤下火曰炎上木曰曲直金曰從革土爰稼穡各言其自然之本性水之性潤萬物而退下火之性炎盛而升上以木爲器可操令曲直以金銷鑄亦更改從人革者更改之謂也惟稼穡非土本性故六府分土穀而二之然穀非土不

生人非五穀不生活是以專言稼穡也箕子又言貌  
言視聽思爲五事其間爲休爲咎各有徵驗然則天  
人感應之際亦可考而知也雖然春秋不書徵應左  
氏言之學者頗疑其誣自伏勝作五行傳班孟堅而  
下往往多踵其說如漢志援引經傳已涉於附會即  
向歆父子持論亦各不同他可類推矣明太祖嘗曰  
堯舜之世不言祥瑞曾何損於聖德漢武帝喜功生  
事卒使海內虛耗漢治以棄人主可不以之爲戒嗚  
乎太祖斯言後世之龜鑑也傳國幾三百年歷朝史  
氏所載災祥不絕雖徵應無可考而其事則燦然具

備今分類志之使觀者知所做省亦庶幾洪範之指  
云

朔史卷三十八

志十二

五行一水

傳曰簡宗廟不禱祠廢祭祀逆天時則水不潤下又曰聽之不聰是謂不謀厥咎急厥罰常寒厥極貧時則有鼓妖時則有豕旣時則有耳疴時則有雷電霜雪雨雹黑眚黑祥惟火沴水也

五行家凡水潦河清醴泉大雪隕霜雨雹雷震魚孽蝗蝻豕禍黑眚水變水闕昏霧日無光白虹龍蛇見馬異一產三男疾疫天鳴隕石皆屬之水今從其類水潦



洪武元年六月戊辰永新州江水入城高八尺閏七月吳江水三年六月溧水縣久雨江溢溧州亦大水八月癸亥京師大水四年六月諸暨縣水漂民居七月南寧府江溢城垣民廬皆壞龍游縣水災八月大名府大水五年三月仙游縣大水南平縣山水暴溢七月崇明海門二縣大雨海溢毀民廬開封府大水八月嵯義烏餘杭三縣水六年六月龍游南溪二縣雨水江漲七年二月昌邑縣海溢五月澧州及澧陽慈利石門三縣雨不止山水暴出壞城垣民居六月陳留蘭陽河溢八月高密縣膠河溢傷禾八年正月

河水決開封海水溢温州六月高郵州大水是年淮  
安北平山東並水傷稼十二月蘇松常寧太及嘉湖  
杭八府水九年京師大水百官乘船以朝又錢塘仁  
和餘杭三縣水湖廣山東大水十年五月永州大水  
六月灤漆二水驟發沒民廬舍七月北平諸府大水  
壞城十一年七月蘇松揚台諸府海溢漂民居溺死  
者衆十月蘭陽縣河決十一月封丘縣河決十二年  
五月青田縣山水溢嚴州府溪水漲並壞官民廨宇  
六月江夏商水二縣大水十三年十月高郵州大水  
十一月崇明海嘯人畜多死十五年七月河溢滎澤

陽武二縣十七年秋河決開封旁邑傷田廬太原衛  
山水暴漲衝決城濠堤岸十八年五月秦州水應天  
府及黃州荊州常德三府亦如之八月河南水十九  
年三月吳江興化二縣水二十三年五月海門縣海  
潮騰湧溺死人畜無算七月河南河決江南北海溢  
十二月寧海萊陽東平泗水曲阜汶上鄒諸城安丘  
蒙陰水武清文安亦如之二十四年四月河南河水  
溢十月北平河間二府水二十五年正月河決開封  
州縣十一俱水二十六年十一月青兗濟三府水二  
十八年八月德州大水三十年八月開封府河決城

三面皆受水十二月平度州昌邑縣海溢三十一年  
四月山陽鹽城大水傷稼五月高郵泰二州水

建文二年五月辛巳隄水灌濟南城四年十一月武  
強縣濇沱河決傷民田

永樂元年三月京師水五月章丘縣水溢決隄傷禾  
稼南海番禺二縣海溢六月南昌衛雨水敗城郭七  
月河源曲江英德三縣水八月安丘縣紅河決傷稼  
浙江赭山大風駕潮決江塘是歲福山縣河決西華  
沙河水溢餘干縣雨水傷稼二月五月長沙岳州常  
德荊州屬縣九湖水溢壞民居田稼七月湖廣江西

水九月河決開封府堽城十一月蘇松嘉湖杭五府  
水三年二月河決於河南馬村堤三月溫縣水決馱  
塢村八月杭州諸府水四年二月宣城縣水決隄岍  
六月河南嵩溫等四縣水閏七月海鹽縣水八月宛  
大二縣水五年正月順天涿州等郡水二月保定真  
定旁邑俱水三月衛河隄岍自臨清至渡口驛潰決  
者七四月霸州密雲曲陽等縣水七月河南黃河溢  
傷稼十一月河溢湯陰縣沒民田七年二月衛河衝  
決陳州城五月安陸州江溢六月固安縣渾河決傷  
禾稼壽州水決州城七月麗水縣山水溢沒田廬八

月遂平縣雨水傷稼八年五月金州江水溢溺者多  
死平度州雒河及浮糠等河決百一十三所十二月  
汴梁河決壞城九年二月沂州水三月安陸州及京  
山景陵等縣水六月通州泰興江都儀真海門風雨  
暴作江水漲壞房屋漂流人畜十年三月遂平縣山  
水決隄五月寧縣水六月潯州江水溢耶陵臨漳二  
縣河水溢荊州武昌黃州常德漢陽以久雨江漲壞  
田廬七月桑乾河水漲壞盧溝橋十一年八月遂平  
縣河決十二年三月揚州府水災十三年三月解州  
碛池水溢流入鹽池六月烏程等四縣水傷田稼遼

州河水溢北京河南山東並雨水壞廬舍沒田禾東  
昌臨清尤甚八月大城武強等縣河決傷稼十四年  
南昌等府言自四月至五月淫雨江水漲田廬沒七  
月鄒縣水開封等府州縣十四河決傷稼福建之延  
寧邵江西之廣饒浙江之金衢諸府並水九月鹽城  
縣海溢十六年十月河南黃河決十七年大名府水  
十八年春海寧縣水夏海康遂溪二縣海溢傷稼十  
九年夏全州三江水漲壞城二十年五月廣州等府  
風雨水溢人畜多死二十一年五月峨嵋縣水七月  
蘇州山海等處水交趾順化衛河水漲壞官廨城垣

八月瓊州府海水溢二十二年九月河南黃河溢傷稼是歲蘇松常杭嘉湖六府水沒田稼

洪熙元年無錫縣河水溢容城縣自六月至七月雨不止白溝河水漲傷稼漳滏二河決潯沱河亦決沒定晉深三州藁城等五縣田八月金壇水黃巖縣亦水傷田稼

宣德元年黃汝二河溢河南州縣被災者十一安東沐陽二縣水二年七月徐州及深澤博野東鹿縣河間水三年五月邵陽湘鄉二縣及武岡州風雨七晝夜平地水高六七尺六月大雨通州河溢水及城



丈餘城壞渰沒十一州縣田苗是歲南畿及河南水  
四年成安縣漳滏二河溢五年六月鉅鹿縣漳河溢  
六年六月固安縣渾河漲祥符中牟陽武通許滎澤  
尉氏原武陳留八縣黃河溢徐州沛縣東安清河新  
樂等縣水七月京畿南北及揚州州縣十九雨水渰  
稼七年忠義等衛及蘇松常鎮屬縣八自四月至六  
月大雨水濟南府河溢傷田安州亦如之八月元城  
平鄉廣宗水禾穀無收八年六月江西水七月崇安  
縣水九年五月順慶府江水溢是歲順天保定真定  
河間開封漢中所屬州縣四十六各奏久雨決堤渰

沒田苗

正統元年五月海陽縣水六月秦州衛及黃岩場大雨  
水七月淮水壞壽州衛城八月大寧都司保定等  
衛水是歲荊州江溢保定彰德等府黃河決又蘇常  
揚三府同日大風駕海潮蕩民居各數百家二年二  
月運河要兒渡決五月鳳陽府淮水溢淮安揚州廣  
平開封漢陽五府及徐和滁三州太雨水害稼六月  
寧海州壽張東阿汶上陽穀鄆城范縣水九月陽武  
原武滎澤三縣水十月江陵松滋公安石首潛江監  
利六縣江水決堤三年邳州河決傷禾魚臺望鄉嘉

祥尤甚十月廣宗平鄉二縣河決四年六月京畿大水河南開衛彰三府北直涿通霸薊晉安和七州滿城新安定興雄四縣及武驤等各衛水八月白溝渾河二水溢決保定及安州堤九月深州滹沱河決滄民居田稼百餘里溧水溧陽句容上元江寧五縣水壞田廬人畜是歲高郵州水殺禾洮州衛水壞城五年五月太平府丹陽湖水溢沒草場六月汶上縣水七月容城縣久雨決堤七年七月武清漕縣水山東海滄場大雨海溢鹽課盡沒八月寧夏水八年八月台州水十一月黃巖樂清二縣雨水傷禾九年四月

榮澤縣汴河溢決堤壞田五月烏程等五縣水七月  
江都縣江溢溺死沙洲男女千餘人河南水灌衛河  
沒衛開懷彰四府民舍壞宣武衛懷慶守禦所城八  
月蘇松水十年四月福建水是夏鄞州亦水河南州  
縣十四黃河決十一年二月龍陽縣湖水溢六月山  
東水真順廣大廬淮六府及南陽太原荊州諸郡江  
河漲溢傷田禾十二年贛州臨江吉安水十三年六  
月大名河間濟南青州兗州東昌開封七府及寧夏  
諸衛並河水溢十四年正月河決聊城縣四月吉安  
南昌臨江縣雨水溢壞壇廟及廬舍人畜九月夏縣

# 水決民田

景泰元年五月南京大雨水七月上元江寧句容溧水溧陽江浦六合江都儀真九縣水二年夏開封濟南東昌及遼東諸衛淫雨河決傷田禾九月宜興縣水三年正月海鹽縣水六月沙灣河決海和二州安東等縣大水壞田廬八月兗州府水徐州抵濟寧平地水高一丈陝西延綏太雨水五年六月湖水決高郵寶應隄圯七月四川水決城垣壞駟馬萬里二橋八月東兗濟三府大雨河漲傷稼是年蘇松常鎮水六年順天之河永真廣大南直之淮揚蘇松常河南

之開衛雲南之大理諸府並水先是武昌等府旱繼而江水溢田苗淹死七年四月永平府及興州右屯衛水六月徐州水開封河南彰德三府河決是歲京畿州縣三十餘山東州縣六十四並水

天順元年夏京師大雷雨平地水高數尺湖州府溪河溢畿南廣大二府及南直之淮揚鳳河南之開汝懷衛山東之濟兗青東並淫雨河決傷禾稼二年江西大水三年穀城景陵二縣襄水溢四年江南北水湖廣湖南北亦水畿南之河保真廣大浙江之嘉湖金紹河南之開汝江西之南瑞九饒南並大水五年

五月江南北大水六月河南水七月壬寅河決汴梁  
土城潰築磚城以禦之甲辰磚城亦潰水深丈餘廬  
舍蕩盡周府宮人及官民各乘舟筏避于城外高處  
死者不可勝計襄城縣亦水壞城七月兩浙及崇明  
嘉定崑山上海等縣海水溢溺死者甚衆六年七月  
淮安府海水大溢淦鹽場溺死鹽丁一千三百餘人  
七年七月密雲縣大雨山水溢德化彭澤二縣江水  
溢八年六月沂水縣大水

成化元年南北直隸河南山西湖廣江西浙江所屬  
州縣凡一百四十餘各奏水災二年七月順天保定

開封青州大水東阿嶧二縣久雨水漲漂七百餘家  
五年湖廣水山西汾河溢傷稼應天常州太平及浙  
之杭州湖州瀟之澂江等府俱水六年四月京師大  
雨水六月鳳陽揚州水獨石馬營等關山水暴出高  
二丈七年夏山東七府浙江四府海水溢鳳陽徐州  
水八年七月大風雨海水暴溢壞南京天地壇孝陵  
廟宇中都皇陵垣牆是時松常揚及杭嘉湖寧紹俱  
水敗田廬溺死二萬八千餘人九年六月保定與真  
順廣大并河南之懷慶府大雨水十年七月漳州府  
大水是歲順天保定真定三府及蘇松常鎮所屬一



十四縣皆水十一年五月應天安慶池州府屬縣衛  
湖廣府八州一衛十二並水十二年四月涇陽朝邑  
金蘭河決溺人畜鳳陽淮安揚州及平陽大同紹興  
寧波台州水十三年二月安慶府大雨江水暴漲閏  
二月河南大水五月黃河渭河溢九月淮安府淮水  
溢壞官民屋舍淹人畜甚衆十二月順天及南直蘇  
松常鎮山東兗州府屬州縣衛水十四年五月陝州  
大水七月古北口居庸關水壞城八月江北大水九  
月河決開封府是歲北直江西湖廣河南山東皆水  
十五年濟南府水宜興崇明遂溪海康縣水十七年

鳳徐水山東州縣六十六衛二十並水十八年夏秋  
河南大雨水壞城漂民廬三十一萬四千二百餘戶  
溺死男婦一萬一千八百餘人馬驛等畜一十八萬  
無千有奇十九年兗州大水二十年七月甲午雲南  
大理府佛澗水湧聲如雷衝激巨石傾覆屋宇人畜  
多死二十三年五月黃河溢於開封沒禾稼

弘治二年保定等六府大水詔求直言四年夏蘇松  
大水十月河溢河南七年蘇松常鎮江海溢平地水  
丈餘毀民廬二萬餘溺死無算嘉湖亦水橋梁圯岬  
傾仆幾半武昌大雨水四望無涯通衢駕小船老幼

移徙山林廣東之肇慶廣西之柳州亦水災十年九月濟甯青登萊五府水十一年淮鳳二府水十三年八月南安府水十四年五月貴池旁邑凡十七積雨蛟騰水大至漂溺甚衆又順天山東山西河南水七月靈山縣大風海溢閏七月四川烏撒軍民府雷雨三日山鳴如牛吼地裂而泉湧百道突發所在衝決橋梁廬舍多傾人畜俱斃八月瓊山縣颶風作海潮山水並溢高七尺十五年八月己未高州海嘯壞城郭太常寺卿楊一清奏南京七月三日猛風暴雨陵廟壇壝拔木無算加以江潮入城深五尺鎮江揚州

諸府亦水十七年五月南陽河溢六月星子德安二縣大風雨平地水丈餘十八年五月建安甌寧崇安等縣大水七月餘杭等縣雨水傷稼是歲鳳陽府十六州縣水

正德元年四月武定軍民府溪水漲決堤壞田六月陝西徽州大雨河溢壞居民產畜九月萊州府海水溢二年六月固原衛驟雨河漲水高于地四尺是歲遼東諸衛水以二十計三年九月慶陽延綏大水四年曹縣河決由單而散漫於豐兩岬相對濶百有餘里蘇松湖亦水五年濟南及廬鳳淮揚水六年夏河

南汜水縣雨水壞城郭廬舍七年浙江水八年六月  
黃陵岡河決十年陳家口河決直隸靖海縣水杭湖  
台所屬州縣卅六水害麥十一年五月陝西華亭縣  
河溢壞田廬人畜十二年黃河決沒武城縣順天及  
廬鳳淮揚荆襄間皆水十三年三月甲寅衡州府大  
風雨江水入城六月癸酉章丘縣雨水壞民居四千  
家是歲畿南二府江西七府南直三府並水十四年  
兩直隸及河南省州縣一百四十五衛二十六皆以  
水聞十四年宮城內海子水溢自橋高四尺十五年  
江西水永保河三府及陝西之寧遠縣皆水十六年

遼陽水溢壞城垣民舍

嘉靖元年七月南京暴雨江漲郊社陵寢宮闕城垣  
皆壞拔樹覆舟水高者丈餘浮屍無數廬鳳淮揚諸  
府亦同日河水溢二年夏直隸山東府州縣十一水  
八月江以南及開封諸府水遼東亦水五年河間府  
水徐淮兗濟及山西平魯衛並大水六年湖廣江西  
水七年真順廣大水八年浙江江西水九年江以北  
及武昌漢陽南昌諸府水十年安州水十六年兩直  
隸山東河南陝西浙江俱水湖廣尤甚十七年京畿  
水十八年北直浙江江西等府二十一水二十一年

商州鎮安及泉州府水二十二年鳳陽諸府水二十五年直隸山東府州縣二十九衛一十有四水二十六年七月河決曹縣壞城二十七年正月大水沒沂陽縣詔徙縣治于城東是歲順天永平及湖南諸府水二十八年鳳陽西安嘉興湖州等府及沔陽等州衛水三十年淮安所屬州縣及揚州之寶應鳳陽之泗盱徐州之蕭碭俱水三十一年六月海康遂溪等縣海溢壞廬舍田禾不收是歲淮徐邳河溢山東諸州縣皆大水三十四年鳳淮揚三府徐滁二州及河間等四府水三十五年武昌諸府水三十六年南北

直隸浙江府州一十有三水遶東大水三十七年湖南五府南直四府水三十八年京畿及大同魚臺金鄉曹單四縣水三十九年承天等府水四十年九月蘇松常鎮杭嘉湖七府平地水數尺者累月四十年廬鳳淮揚四府水四十二年徐沛豐碭水四十四年京畿水四十四年沛縣河決高淳諸縣水四十五年直隸壽州及湖廣山東水

隆慶元年六月己酉新河山水決沉運船數百艘是歲順天永平水二年七月台州府風雨海溢山水繼之會而入於城三日廼退溺死三萬餘人衝決田地



一十五萬餘畝蕩折廬舍五萬餘區三年閏六月南北直隸及浙東西大水七月河決沛縣自考城虞城曹單豐沛至于徐州俱罹其害八月東鹿縣大水九月淮水溢四年鳳陽大埔縣大雨衝溢成川五年河決于邳州北直安州新安南直銅陵等縣水

萬曆元年七月荊州承天大水二年荆岳水三年杭嘉寧紹海溢没人畜壞大小戰船蘇松常鎮淮揚鳳七府及徐州河間滄州天津大水五年蘇松等四府大雨水歲不登七年七月壽徐等州縣十二水蘇松常鎮四府亦水八年八月淮揚廬鳳等府水九年五

月從化增城龍門大雨水害稼七月福安縣雨不止  
水踰城十年正月淮南分司三十餘塲風雨暴作海  
水泛漲淹死二千六百餘丁是歲惠州嚴州徽州蘇  
松並水十一年四月甲戌承天府大雨江水入城漂  
沒廬舍溺死人畜己亥金州大雨河溢城盡沒十二  
年七月浙江水十四年南直浙江江西湖廣廣東福  
建雲南並水遼東尤甚十五年應天蘇松等府淫雨  
水溢平地丈餘十七年六月浙江颶風大作海水沸  
湧嘉興等府多被災是歲河道潘季馴言黃河暴漲  
衝入夏鎮內河浸壞田廬溺死居民其餘或水與隄

平或隄沒者尺許十九年七月松江等處颶風海嘯  
九月泗州水深三尺二十二年鳳陽廬州大水河南  
州縣凡五十有六並水二十三年八月鳳淮等州縣  
四十五大水二十四年杭嘉湖三府水扶溝弘農各  
縣衛以水災聞者七十四二十五年八月甲申蒲州  
池塘無風生波湧溢三四尺二十九年開封歸德大  
水娶川縣水數尺三十一年六月泰安州水七月豐  
縣大水八月某州府大風海溢溺死萬餘人三十二  
年七月畿輔水八月山東撫臣言河決蘇家莊倒灌  
濟寧魚臺平地成河單縣尤甚三十五年六月武昌

承天等府雨水漂數千家繁昌黥歙南陵等縣山冰  
汎亦殺人閏六月畿輔水壞城郭京師雨潦長安街  
水深六尺三十六年自留京至蘇松常鎮涇雨江溢  
武昌寧紹并遼東亦水三十七年五月甲辰福建江  
西等府一十有二其水同日是年廬鳳淮揚及承天  
等府並水三十九年六月壬午大雨都城內外水暴  
漲壞民廬四十一年兩京大水山東江西河南湖廣  
廣西廣東水四十四年五月衡州府三河水漲深五  
六尺祥符縣河決陳杞睢柘諸州邑並水災七月江  
西水民居蕩折浮屍蔽江九月應天府水四十六年

七月宣城青陽等縣水傷禾八月奉新等州縣蛟四  
出洪水橫流漂蕩城郭廬舍人民無數庚申潮州府  
颶風海水湧數丈漂民居

泰昌元年九月江西大水

天啓二年六月東鹿肥鄉二縣水五年正月江南大  
水六年順天永平二府水淮揚廬鳳諸府淫雨連旬  
河溢海嘯人民溺死無算七年浙江水山東州縣二  
十有八自六月至八月水傷禾蕩流廬舍淹死人畜  
崇禎元年正月南直諸郡大水七月杭嘉湖紹海溢  
沒田壤民居殺傷軍民數萬人四年十月陽武等州

縣永五年六月黃河溢淮安蘇家嘴決數百里間廬舍皆沒六年正月鎮江江決宋徙高七尺響聲如雷十年蜀劍州大水先一日沿灘巨石數百皆反而覆民懼水走而避于州堂者免餘皆漂沒十一年七月江西永九月兩浙及黃州水十二年正月江南水十三年江西水安慶府及歸安縣亦如之十五年九月十五日三更河決開封李自成圖久師老已蓄灌城之謀會汴人有計決河以灌賊者爲自成所覺移營高阜驅所掠民夫數萬反決馬家口以灌城值大雨經旬黃流驟漲一時潰決聲聞百里直衝汴城汴人多溺死

賊營亦沉萬人周王與宮眷逸出露處初城中百萬  
戶從而濟者不及二萬人

河清

永樂二年十月乙酉蒲城河津二縣黃河清十二月  
禹門渡黃河水清亘數百里

正統元年十一月淮河清澈踰月

景泰五年正月黃河自龍門至芮城清同一色

正德六年十二月清河口至柳鋪九十餘里黃河清

三日

嘉靖六年十二月庚申靈寶縣黃河清五十里

恭昌元年蘭州黃河八月十五清見底上下數十里  
一望無際至三日而復其故

崇禎十三年十二月平陽府大寧縣北黃河澄清二  
十七日

醴泉

永樂四年十一月醴泉出神樂觀八年三月丙申帝  
駐蹕清水源去營三里平地泉湧高數尺賜名神應  
泉二十年六月庚寅車駕次長樂鎮鎮故乏水晚有  
泉數十躍出軍士足用

崇禎二年春正月南京山川壇醴泉見



嘉靖二十五年七月醴泉出於苑殿竇進醴泉頌  
雨雪

宣德三年十月戊戌大雪

正統七年夏淮徐間陰雨冷霧禾穗不實

景泰四年冬十一月山東河南直隸淮徐諸郡至五  
年春正月大雪瀰漫平地數尺人畜凍死以萬計山  
東春寒冰凍尤甚魚鼈死草木不萌六年四月西安  
平涼雨雪霜

天順四年三月乙酉大雨雪越明月乃止

成化四年三月南京大雪盈尺十年二月己未南京

大雨雪傷麥十一年八月甲午夜雷電雨雪十三年  
四月壬戌遼東開原大風雨雪畜多凍死十六年四  
川趙雋衛自七月至八月雨雪交作寒如隆冬苗秀  
不實

弘治十四年十一月辛巳遼東大雪軍民房舍壓塞  
道路凍死人畜無算十七年二月甲辰鄖陽府及均  
州雨雪雪片大者六寸六月癸亥雨雪

正德元年夏四月武定軍民府寒如冬

嘉靖元年山西陽和高山天城三衛雨雪傷禾

萬曆四年八月渾源州雨雪殺禾六年十一月大雪

決旬民多凍死二十二年十月戊申遼陽雷電雪霰  
交作二十三年十二月至正月江南雪久僵屍無算  
二十五年九月庚子雪二十六年十月癸亥大雨雪  
三十八年四月壬寅 暴雪形如土磚至夜方止  
房宇不存片瓦田禾悉入泥中

崇禎十一年四月山西大雪馬多死靈丘傷田禾尤  
甚十四年八月山西中西二路及岢嵐州大雪

隕霜

洪武六年六月延安府隕霜十年八月平涼府隕霜  
殺禾稼二十四年九月甲午太原府隕霜二十六年

四月丙申遼州榆社縣隕霜殺麥

永樂十三年冬海陽縣繁霜殺禾

宣德三年八月澤州沁水蒲州靈石隕霜禾不實七年十一月乙酉大霜

正統二年十二月丁卯霜附木如雪竟日不消三年陝西西延慶平臨鞏六府秦河岷金四州衛霜降不時害稼四年太原平陽二府秋初嚴霜傷稼

景泰六年七月隕霜禾不實

天順三年初秋陝西霜損禾稼

成化二年四月乙巳宣府隕霜殺苗七月太原等府

岢嵐和順等州縣隕霜殺穀苗十三年七月鞏昌平  
涼諸州縣隕霜傷稼十八年八月平涼府隕霜殺粟  
十九年三月辛酉陝西隕霜

弘治八年二月兆州隕霜四月庚申山西榆社陵川  
襄垣長子沁源五縣隕霜殺麥豆桑辛酉陝西慶陽  
并衛所三十五隕霜殺麥豆禾苗九年四月辛巳山  
西榆次縣隕霜殺禾

正德元年四月武定軍民府霜殺麥四年十一月戊  
寅濃霜附禾五年開平蔚州等衛霜傷禾八年四月  
乙巳文登萊陽二縣隕霜殺稼十三年三月壬戌遼

東隕霜禾苗皆死十五年山西行都司并大同府所屬霜傷禾

嘉靖二年三月甲子朔城縣隕霜傷稼辛未隕霜殺禾五年七月庚寅平魯衛隕霜殺禾稼二十二年四月己亥固原等處隕霜殺麥

隆慶六年三月丁亥真定府南宮等縣隕霜殺麥

崇禎十三年九月甲申昌平隕霜殺豆麥十四年七月宣大南北邊地隕霜民田軍屯俱傷十五年四月十二日遵化等處霜殺苗

霜雹

洪武二年六月庚寅慶陽大雨雹三年五月丙辰定  
安縣雨雹傷民田六月乙酉延安府雹傷稼八月辛  
酉臨漳湯陰二縣雹五年四月戊戌潞州黎城縣雹  
而風五月癸丑夜中都萬歲山雹如彈丸乙卯即墨  
膠水二縣雹鳳翔平涼二府自五月至七月頻雹傷  
豆麥七月甘泉膚施雹傷禾十一月癸亥平涼府雹  
六年二月丁丑大雨雹五月南直浙江等州縣及開  
封之蘭陽青州之益都武昌之江夏並雨雹七年四  
月己未大同縣雹六月平涼府及鄜州靖寧州雨雹  
八月甲午陝西華亭開城米脂縣雨雹九月甲子安

定縣雨雹八年四月丁巳臨洮平涼河州雨雹傷麥  
五月戊子太原大同雨雹八月乙卯陳州雨雹十年  
五月壬寅陝西華亭縣雨雹十一年八月乙卯陝西  
華亭縣雨雹傷稼十二年四月庚戌滁州雨雹五月  
己卯定遠縣雨雹傷麥十三年六月甲戌平涼府雨  
雹十四年七月己酉臨洮大雨雹傷稼  
永樂二年八月洛陽縣雨雹傷稼六年六月漳縣雨  
雹八月武安縣雹七年閏四月安肅縣雨雹傷夏苗  
九年四月沭陽縣雨雹傷稼十一年七月涑水縣雨



電傷黍稷十二年四月睢州及儀封等八縣雨電五月平度州德州沂水縣雨電並傷麥七月寶坻縣雨電傷稼十四年五月陝西雨電六月獲鹿縣雨電並傷稼

洪熙元年五月庚午電而風七月至八月沁潞二州徐溝太谷和屯留四縣屢電傷民田

宣德七年四月辛亥屯留縣雨電殺麥八年秋崇信咸陽漢陰諸縣雨電傷稼十年四月戊戌平陸縣烈風雨電積厚一尺禾稼無收

正統元年六月己酉懷仁縣大雨雹二年七月庚戌武清縣大雨電八月八日固安縣雨電三年陝西西

延慶平鞏臨六府秦河岷金四州衛自夏至秋雨電  
傷稼四年五月丑戌大雨電五年四月宜川縣雨電  
平涼諸府大雨電傷人及田禾畜產滿城縣大雨電  
是歲六月初十日狄道等縣大雨電六月初二至初  
六日山西行都司及蔚州大雨電六月二十日洮州  
衛大雨電七月十三日臨洮衛大雨電七月十八日  
甘州中護衛大雨電八月十一日保定府大雨電並  
傷民稼穡六年五月直隸海州及河間府大雨電八  
月庚辰真定縣雨電害田禾八年四月清苑縣雨電  
楊稼九年七月十七日南京大雨電而風陵廟樹自

拔覆舟毀屋十年四月戊辰大雨雹

景泰四年六月朔州雨雹害稼五年春京師大雹六月易州大方等社雨雹大如砲傷稼一百二十餘里擊死人馬六年閏六月東鹿縣迅雷雨雹如雞子殺鳥鵲狐兔

天順元年六月己亥大風發木壞屋雷雨驟至頃之雨雹如雞卵經時不化又萬全都司奏七月五日下午冷雹二年五月萬全都司及保安州雨雹而風傷禾稼宣府等衛雹傷八年五月丁巳京師大風雹成化元年四月庚寅雨雹大如卵損禾稼五月辛酉

次雨雹六月庚辰宣府風雹傷稼陝西秦西安府三  
十一州縣自春以來雨雹不時大傷禾五年閏二月  
癸未廣東瓊山縣雨雹大如斗六年五月丁未高郵  
州壽州合肥縣雨雹如雞子八年八月丙午隴州雨  
雹或如鴛卵或如雞子中有如牛者五長七八尺厚  
三四寸六日乃消九年五月丁巳申刻京師雨雹如  
拳十二年九月丙午雲南鶴慶軍民府雨雪雹其色  
青紅十三年春湖廣大雨水雹牛死十八九五月壬  
午山西隰州并永和猗氏二縣大雨雹十五年冬宣  
府冰雹隴西縣并鞏昌等衛咸以雹聞十七年五月

庚寅蘄州雨雹如鴛卵敗官民舍傷禾十九年六月  
乙亥潞州雨雹大如碗丁亥朔州雨雹二十年二月  
丙子清遠縣雨雹如拳丙戌亦如之三月甲辰新建  
豐城高安大風雨雷雹壞民舍千餘二十一年三月  
己丑番禺南海二縣風雷大作飛雹交下死者千人  
閏四月壬辰大名兗州東昌各州縣同日雨雹傷稼  
二十二年三月甲寅南陽雨雹如鴛卵  
弘治元年三月壬申融縣雨雹壞城樓及軍民屋宇  
四月庚申天壽山雨雹二年三月戊寅賓州雨雹大  
如雞子殺人并壞公私廬舍禾稼庚辰安莊衛雨雹

而雷雪殺麥苗毀屋瓦四月辛卯洮州衛雨水雹九月丙辰雲南大理衛雨雹傷禾三年五月戊午武進縣大雨雹六月庚寅雲南古北口大雨雹乙巳臨洮府河州大雨雹四年三月癸卯裕州汝州雨雹大者如墻杵四月己酉洮州衛水雹傷人畜五年四月癸亥香河縣雨雹傷禾乙丑莒沂二州及安丘郯城縣雨雹大者如酒杯傷人畜損禾稼八月丙辰海豐縣雨雹擊死人畜六年四月乙卯沂水縣雨雹大者如盆殺麥黍八月己巳長子縣雨雹大者如拳傷禾稼十月之二中人輒死辛未京師雨雹大者如彈丸八年

二月壬申永嘉縣狂風暴雨且雨雹大如雞卵小如彈丸毀屋殺麥禽鳥多死三月己亥桐城縣雨雹深五寸殺二麥己酉邳泗二州及桃源清河儀真安東縣暴風雨雹殺麥四月乙亥常州府及泗邳二州雨雹深五寸殺麥及菜丙子沂州雨雹殺麥黍五月庚戌環縣及慶陽衛雨雹大者如盤小者如盃六月乙卯京師雨雹庚申順天府霸州雨雹傷禾苗殺禽鳥壬申安邑縣雨雹七月甲申陝西山丹衛雨雹乙酉陝西洮州衛雨雹並殺禾丙戌甘肅西寧等處大雨雹殺禾及草畜九年五月丙辰京師雨雹辛酉山

西武鄉縣雨水雹擊死人畜十年二月己卯江西新城縣雨水雹殺草木禽獸民有凍死者三月丁卯順天府通州雨水雹深一尺十一年四月戊辰壽州汝陽縣各雨水雹傷麥苗殺禽鳥壞官民廨舍五月辛酉雨雹七月辛酉大同雨雹壞禾稼十二年四月戊戌許州大風雨雹十三年三月丙子淇縣雹而雷斃人畜害麥苗四月癸巳濮州迅雷驟雨水雹交下傷亦如之癸卯薊州及肅寧棗城棗強清豐四縣風雨水雹傷人禾癸丑雨雹五月甲子延綏龍川城雨雹傷稼庚午朔州驟雨雹八月戊子京師雨雹丙午又



雨雹九月壬戌雨雹十四年四月丁酉徐州及清河  
苑源宿遷三縣雨水雹歷二時乃止平地積五寸餘  
夏麥殆盡六月辛巳漢中府大風雹火隨之閏七月  
己丑山東長山新城二縣雨雹雷震十五年五月丁  
丑雨雹七月丁亥葭州雨雹壞田禾十月雲南雨雹  
大者如掌小者如雞卵十六年三月乙酉武義縣雨  
雹麥苗桑麻並傷癸巳新昌縣雨水雹殺麥及稻四  
月丙辰雞澤縣雨雹乙丑博平縣及趙州雨雹並殺  
麥五月庚午宣府懷來衛及保安右衛大雨雹殺田  
苗乙亥登萊二府雨雹殺麥禾七月辛卯京師雨雹

十七年三月辛卯盧溪縣雨雹傷麥苗

正德元年四月乙丑武定軍民府雨雹五月丙辰雨  
雹六月辛酉萬全衛雨雹甲子亦如之戊辰宣府馬  
營堡雨雹深二尺禾稼盡傷二年三月丙辰清浪衛  
雹而風傷麥禾乙丑雹而大雨雷雹四月己酉隴西  
縣雷雨冰雹平地尺餘傷田禾禽畜五月戊寅洗馬  
林堡雹而震七月山陽縣雨雹如雞卵傷禾二百餘  
頃壞船百餘艘溺死二百餘人四年三月甲辰雨雹  
及霰五月甲午費縣大雨雹深一尺壞麥穀六年四  
月通渭秦安二縣大雨雹傷禾稼七年戊申臨朐安

丘二縣雨雹八年三月丁丑齊河夏津歷城三縣大雨雹十年閏四月壬戌諸城縣雨雹殺穀丙寅武鄉陽信二縣冰雹戊辰壺關金鄉二縣雨雹殺禾甲申順天薊州海豐縣俱冰雹殺穀麥六月壬戌徐溝太谷二縣大雨雹傷禾稼是歲浙東西俱雨雹殺蠶麥十一年四月丙子原武縣大雨雹丁丑遼州大雨雹傷田苗人畜五月壬辰陝西華亭縣大風雨雹傷禾稼六月夏津縣雨雹甲戌宣府大雨雹禾稼盡死是月貴州大雨雹十二年五月庚辰太原靈石武三縣大雨雹己亥安肅縣大雨雹平地水深三尺沁源縣

亦雨雹辛丑武鄉縣雨雹大如雞子六月戊辰新興  
州雹而雪並傷稼九月帝幸大同獵陽和星隕雨雹  
軍士有擊死者庚辰益都縣雷雹冰雹十三年三月  
壬戌南通州颶風雷雹雨水雹如雞子四月壬午衡  
州雨雹大如鷺子稜利如刀屋瓦皆碎斷樹木如剪  
十四年正月戊午甌寧縣大雨雹六月潞城縣大雨  
雹十五年三月辛亥雙流新津二縣大雨雹傷稼四  
月壬申長寧珙縣大雨雹狂風拔樹漂牲畜損禾稼  
六月辛巳大同府大雨雹傷禾

嘉靖元年四月甲申雲南雨雹大如雞子小如彈丸

禾苗房屋被傷無算五月己未蓬溪縣大雨雹馬牛禽畜房屋禾苗盡傷同日大昌縣雨雹損傷尤甚是歲大同雨雹二年五月丁丑大同前衛雨雹大如雞子深四五尺七月庚寅太同前衛大雨雹殺禾稼四年四月丁未大同衛雨雹大如雞卵殺豆麥五月辛酉永清縣雨雹殺麥甲戌東安縣灤縣雨雹自未至酉大殺禾稼乙亥永清縣風雹殺麥戊子固安縣雨雹如雞卵五年三月甲申朔瓊山縣雨雹乙酉廣昌縣雨雹殺禾苗五月己丑陝西岷州衛大雨雹辛卯陝西紅城子雨雹殺禾菽甲辰滿城縣雨雹傷禾稼

六月甲寅蔚州及黃陵縣雨雹殺禾稼丁巳大同縣  
雨雹如雞子傷稼丙寅山西馬邑直隸靈壽靜海縣  
皆雨雹丁卯萬全都司及宣府皆雨雹大者如甌深  
尺餘七月癸未南豐縣雨雹大如碗形如人頭遂昌  
縣雨雹頃刻積二尺大殺麻豆山東棲霞縣湖廣攸  
縣俱大雨雹傷人畜是年大同各州縣衛雹災六年  
六月癸丑鎮番衛大雨雹十三年四月壬寅彰德府  
雨雹方數十里傷麥禾損人畜五月己巳鄆西縣暴  
風雷雨雹隨之損禾稼六月丁未萬全右衛陽門堡  
雨雹厚七尺傷人畜是年慶陽臨洮鞏昌西安漢中

平涼諸郡並雨雹十四年三月辛巳漢中府雹而雷  
殺麥四月庚子開封彰德大雨雹十七年四月吳城  
雨水雹其大如李中有一竅而四圍昏紋又西陽山  
雨雹大如斗途人不及抵室或中其頂耳有至死者  
十八年五月壬辰慶都安肅河間三縣雹大如拳平  
地厚五寸六月丁未湯陰縣大雨雹十九年四月乙  
丑雨雹五月甲午鄆州大雨雹二十一年五月丁卯  
朱脂等縣大雨雹二十二年五月丁巳鄆耀二州冰  
雹大如雞卵二十三年四月丙子泰安縣太雨雹傷  
稼二十四年閏正月壬申桂林府雨雹三月己巳歙

縣大雨雹二十五年六月庚寅廣昌縣大雨雹七月  
戊午京師雷電雨雹二十七年三月庚寅京師雷電  
雨雹是歲山西廣昌縣直隸河間府屬俱水雹二十  
八年六月丁卯延川縣雨雹如斗壞廬舍傷人畜二  
十九年順天府屬水雹三十四年五月庚子鳳陽府  
大水雹壞民田舍三十六年三月癸未沂州雨水雹  
夫者如孟平地厚尺餘經八十里人畜傷損無算三  
十七年五月乙亥淳化縣大雨雹三十九年六月泗  
州茂州大雪雹七月茂州又大雹四十三年閏二月  
甲申京師雨雹四月庚寅雨雹四十五年四月己巳



滁州大雨雹六月乙亥雷電雨雹

隆慶元年五月甲子大同大雨雹六月丁酉京師雨  
雹淫雨不止七月辛巳紫荆關雨雹殺稼七十里二  
年正月甲戌遵化縣雷電雨雹形如雞卵積寸餘四  
月甲申萬全都司等處大風雷雨雹空中有黑赤二  
雲如鬩癸卯廣昌縣村落雨雹大如卵三年三月辛  
未平溪衛雨雹平地水湧三尺四月己丑鄖陽縣雨  
雹平地水深二尺五月癸丑馬營堡雨雹大作殺稼  
七十里丙寅宣府雨雹殺稼六月壬午應州及靜樂  
等縣雨雹拔木殺禾傷人畜甚衆四年四月辛酉宣

府大同雨雹厚三尺餘禾苗盡傷五月辛未膠州臨  
朐夏津縣雨雹傷稼六月癸丑井陘縣大雨雹五年  
四月戊午京師大雨雹五月馬營常寧等堡及宣府  
獨石等衛並大雨雹六月甲午乾莊堡亦如之六年  
四月昌平州大風雷雨雹

萬曆元年五月壬午京師雨雹四年四月癸未太原  
忻州狂風雨雹十五里深尺餘壬辰博興縣雨雹大  
如拳五月初一癸巳復雨雹傷人畜毀禾麥兗州登  
州亦如之乙巳定襄雨雹如桃自未至申積二尺餘  
蓋二十五里丙午蠡縣雨雹大如鶩卵傷苗殺人獲

鹿亦同日電其大如之六月丙戌慶都縣雨電七月  
丁酉安州雨電是歲朔州馬邑水電毀稼五年七月  
甲寅太原府水電九年八月庚子遼東雨電如雞卵  
秋禾盡傷自長安堡至青石嶺約百餘里十一年四  
月丁巳鳳翔隴州大水電五月庚子京師大雨電八  
月庚戌朔永平府電十二年四月庚戌京師大雨電  
五月蘇松大雨電殺傷禾苗花豆八月辛未河南水  
電十三年五月乙酉宛平縣玉河鄉大雨電傷人畜  
以千計六月戊申淮安府大雨電十五年六月辛酉  
夜雲陰雷電雨電如栗十七年四月戊子大雨電十

八年七月丁巳固原州雨雹大如拳十九年三月庚申西寧縣大雨雹四月壬子京師雨雹二十一年十月丙戌武進江陰大冰雹二十二年十月戊申東寧衛雹而雷己酉武進江陰大雨雹二十三年八月寧遠冰雹大如雞卵二十七年三月乙未平壩衛大雨雹二十八年山東奏冰雹禾麥被傷人畜多死二十九年八月延綏榆林雪雹相繼禾苗殆盡三十年四月己未京師大雨雹三十一年五月庚辰肅州風雨冰雹丁丑京師大雨雹三十三年四月壬戌京師雨雹五月甲申京師大雨雹三十四年七月丙戌京師

大雨雹平地水深三尺三十五年四月壬戌雨雹至  
於明日五月甲戌西安鳳翔各大雹三十六年五月  
戊子京師雨雹三十八年閏三月丙寅朔朔日縣冰  
雹四月壬寅竹溪縣雨雹六月己卯宜君縣雨雹四  
十一年七月丁卯宣府大雨雹傷禾稼四十二年五  
月乙卯夜大雨雹四十四年七月河南報雹災四十  
五年七月丁卯夜雨雹大如栗八月安丘縣大雨雹  
四十六年三月庚辰長泰同安二縣雨雹大如斗小  
如拳四月辛亥陝西大雨雹馬駝多凍死七月甲辰  
京師大雨雹

泰昌元年十一月鄆陽廣信大雨雹

天啓二年四月壬辰京師雨雹大如雞卵屋瓦俱碎  
毀折草木麥苗不可勝紀六年大興縣水雹傷麥苗  
七年三月丙子京師雨雹

崇禎三年九月辛丑京師大雨雹六年五月癸巳桃

源縣雨雹六月甲子睢州雨雹七月壬申遵化縣水

雹傷禾十一月丙午登州雨雹七年三月甲寅衡陽

長沙二縣雨雹五月庚子南和縣雨雹八月壬戌遷

安遵化二縣雨雹九年二月二十一日上海縣水雹

傷麥五月壬戌松江水雹十年閏四月辛酉山西樂

平縣雹如梳大深三尺田苗無存五月辛未武鄉水  
雹大者如象如牛壬午沁源縣水雹大如雞卵積厚  
尺餘十一年四月宣府東路水雹七月甲申宣府乾  
石河山場水雹九月庚申順天府水雹十二年四月  
戊子水雹五月庚午房山縣雨雹六月順天雨雹十  
四年夏宣大邊地水雹

### 雷震

吳元年七月己丑雷震宮門獸吻得物焉斧形而石  
質洪武六年十一月戊申雷電交作十二年十一月  
庚子雷十三年五月甲午雷震謹身殿六月丙寅奉

天門亦震十月甲戌雷電二十一年五月辛丑雷震  
元武門獸吻六月癸卯朔雷震洪武門獸吻二十四  
年七月乙巳大風雨雷火江寧衛草場二十五年十  
二月壬子夜雷二十六年十一月丙寅電

宣德元年正月丁巳南京雷十月己卯大雷電六年  
正月庚辰雷電大作七年正月丙子東方雲陰有雷  
十一月丁未陰西南雷九年正月甲申雷雨

正統三年十月戊午東北雷鳴八年四月雷震奉天  
殿鵲吻七月辛未雷震南京西角門獸吻又大同官  
軍巡警至沙溝風雷驟至裂膚斷指二百餘人九年



正月辛亥雷電大雨閏七月壬寅雷震奉先殿鵲吻  
十一年九月丁丑雷電十二月壬寅京城大雨雷電  
翌日乃止十四年八月庚戌車駕次雙寨兒時天氣  
晴朗頃之雷電大風雨營中皆驚甲子也先邀帝涉  
宣府河而北是夕迅雷也先所乘良馬震死十月己  
未夜大雷電

景泰元年六月丙戌夜雷電東方有聲如瀉水十月  
辛巳夜南京雷電二年正月壬戌南京雷電大雨二  
月甲申雷震大報恩寺塔三年六月庚寅雷擊宮庭  
中門傷及人四年雷擊奉天殿獸吻

天順二年六月辛未大雷雨己卯震大祀殿脊吻五  
年九月壬子大雷雨六年五月戊午雷震南京天地  
壇北天門獸吻墜地九月戊戌雷雨

成化三年六月戊申南京午門正樓雷震五年二月  
乙卯南京大雨雷震山川具服殿之獸吻六年六月  
壬申陽信縣雷聲如嘯十年正月甲寅南京震雷十  
二年十一月癸亥南京大雷十三年正月甲子代州  
無雲而雷十一月辛未杭州大雷雨戊寅荆門州雨  
雪大雷電十七年七月己亥雷震郊壇東天門脊獸  
二十三年六月雷震南京午門

弘治元年閏正月丁卯南京雷電五月丙子辰刻南京震雷壞洪武門獸吻已刻復作壞孝陵御道樹六月己酉南京雷電二年四月庚子大雷雨擊南京神樂觀殿宇三年正月壬午南京東北方雷發聲六年閏五月丁未薊州大風雷拔木偃禾牛馬有震死者六月丁卯山西吳城驛無雲而震者再十二月辛酉汝寧府雷且雪雪積數尺鄖陽大雪者累月壬戌雷發聲明日復震後五日雪乃止人畜凍死無算甲子夜南京雷電七年三月丙辰有雷如鼓八年十二月丙子長沙大雷電雨雪是歲江西南昌府四川彭水

縣大雪而雷電九年十月甲申南京雷有聲十年四月戊戌雷震宣府西橫嶺之南山傾三十餘丈十一年正月己酉南京雷電十二年四月丙午雷震楚府承運殿十四年五月戊辰南京雷火焚葉聚閣七月庚辰福州大風雷十一月贛州及廣韶雷雨大作十六年二月庚子雲南宜良縣地中雷隱隱有聲

正德元年正月庚戌南京雷震五月壬辰雷震青州永甲庫有火起庫中六月辛酉雷擊西中門柱脊丙子雷火焚孝陵白土崗樹穴其中旁樹被擊者有痕七月建安縣雷火燒行都司譙樓延官民房屋十一

月丙戌南昌南康二府同日大雷電甲辰九江府雷  
震十二月朔南通州雷再震二年七月己未建寧右  
衛雷擊臨江門城樓柱立碎甓如故三年九月己  
亥祭景陵是日雷電交作己未萬壽節其夕猛風雷  
電四年七月辛卯金縣天無雲而雷乙未雷震周府  
門柱人有避雨而死者十二月辛丑南京及太平府  
震電壬寅杭州府震電越二日復作五年六月丙申  
雷震萬全衛紫溝堡墩墩軍死六年六月丁亥雷震  
大同後衛石泉墩墩軍亦死八年五月壬午雷擊南  
京光祿寺太烹門涼樓九年十月壬辰偏頭關守禦

新雷電大雨雹戊午四川大竹縣雷震十年閏四月  
甲申賺狗崖東墩及新開嶺關震傷三十餘人九月  
庚寅廣東封川縣德慶守禦所廣西蒼梧縣藤縣梧  
州守禦所各無雲而震十一年十二月辛未大理府  
雷震十二年八月癸亥南京祭歷代帝王雷雨大作  
震死齋房吏十月丙寅叙州府雷大震庚午南京雷  
震十一月癸酉杭州府雷閏十二月庚辰瑞州大雷  
雹戊戌荊州雷火燔城樓十六年八月雷擊奉天門  
嘉靖二年五月丁丑雷擊觀象臺四年七月己卯雷  
擊南京長安左門五年四月戊寅雷擊阜城門城樓

十年六月丁巳雷震德勝門壞民廬人有死者癸亥  
雷擊午門角樓并西華門城樓西北柱十一年十二  
月南昌九江雷鳴十五年六月甲申雷擊南京西上  
門十六年五月戊戌雷震謹身殿鴟吻十八年六月  
丁酉朔雷震奉先殿左吻三十四年四月雷始發聲  
隆慶元年八月大暑雷震次日大寒如嚴冬是夕雷  
震達旦三年正月戊午趙州無雲而雷四年六月辛  
酉雷擊園丘廣利門鴟吻

萬曆二年十月壬寅甲夜電三年六月己卯雷擊建  
極殿鴟尾辛卯雷擊端門鴟尾六年七月壬子雷擊

南京承天門十三年七月戊子雷震郊壇之廣利門  
獸吻震傷榜題利字十五年正月丁酉西南有雷聲  
十九年五月甲戌太平路喜峰口並雷擊墩臺折傷  
官軍二十二年七月壬辰雷擊祈穀壇東天門左吻  
九月辛巳文昌縣雷鳴怪風作二十三年三月貴州  
狂風大雷傷田禾二十五年八月壬戌京師雷電二  
十七年四月戊寅太廟槐樹雷火焚二十八年正月  
真寧縣天黑如夜歷二時迅雷怪鳴者再三十二年  
五月癸酉夜雷火燒燬長陵樓三十三年五月庚子  
雷擊園丘望燈高杆四月己卯薊鎮石塘路大雷雨



有擊死者三十四年七月丙戌雷震朝日壇三十九  
年五月辛丑大雨雷震四十四年四月丙午雷火焚  
稅監張協樓居協稅通灣而治第于黃華坊是日驟  
雨電霹靂從樓中出立燼四十五年七月丁卯夜雲  
陰雷電四十六年三月庚午東方電流如火赤色照  
地少頃西亦如之

泰昌元年十月己未雷火燬淮安府城樓

崇禎二年閏四月壬午雷擊宣武門西角樓迤東旂  
杆烟出五尺許三年九月辛丑京師大雷雨六年十  
一月丙午登州雷鳴十二月丁亥濟南大雷雨十年

閏四月乙丑薊州君山延燒二十餘里又月兒山延燒十五里並雷火十三年三月壬戌孝陵雷電大作火光中有龍抓楓樹樹折火發以水灌之乃息十五年四月四日雷擊孝陵松樹火從樹孔出十七年二月雷震奉先殿歌叻

### 魚孽

洪武十五年五月丙子昌國縣有一大魚長三丈五尺漂至沙上取而烹之得油七百餘斤

嘉靖四十一年二月乙亥德州大風且雨魚大者長數寸其地爲九龍廟

萬曆四十四年七月湖廣報水怪突至

崇禎十年錢塘江木梯化爲魚漁人網獲之有首尾未變者十三年德安府天雨魚

蝗蟲

洪武三年青州蝗五年直隸徐州山東濟青萊及山西大同諸府蝗六年北平河南山東山西陝西蝗七年北平之真定永平河間順德保定山東之濟南青州萊州東昌河南之懷慶河南山西之太原及德安州並蝗八年夏內黃平山安陽蝗秋宛平房山寧晉並蝗十年濟寧蝗十五年密雲昌平懷柔三縣蝗十

九年鄭州蝗

建文元年江北蝗不爲災四年青州蝗

永樂元年春開封諸府及乾州蝗夏懷慶諸府及河南鉤州蝗是歲山西亦蝗三年延安府蝗四年濟南諸郡蝗六年青州蝗十一年山東蝗十四年河南彰德府山東樂安州北通州及順義宛平二縣蝗二十二年五月濬縣蝗蝻生知縣禱於八蜡祠越三日有烏萬數食之盡

宣德元年六月霸州固安新城永清蝗蝻生安陽臨漳二縣蝗七月安肅順義新樂三縣蝗二年七月文

安大城蝗四年四月永清蝗五年五月保定府蝗八年七月永寧宜陽二縣蝗九年直隸之廣大淮鳳嶺東之濟兗青登河南之開彰衛懷十二府各州縣有蝗十年山東河南直隸蝗傷稼

正統元年四月河北旱蝗清苑縣亦蝗閏六月順天府屬蝗蝻傷稼七月遼東廣寧等衛直隸高郵州山西平定州山東兗州府蝗蝻生二年四月北直河南山東蝗黍穀俱傷五月邳州蝗六月西安及懷慶府蝗四年五月直隸之淮鳳徐州河南之開封山東之兗濟俱蝗七月宿州徐州及蕭山縣蝗十一月壽州

奏境內蝗五年四月清苑縣蝗生開封彰德兗州等  
府俱蝗五月順天廣平順德河間應天鳳陽淮安七  
府蝗六月德平觀城臨清館陶范冠丘恩八縣蝗七  
月懷慶衛輝蝗八月河間真定及洛陽蝗六年直隸  
河南山西山東十五府及廣寧等衛蝗七年四月開  
封府蝗蝻生傷苗七月同州蝗八年四月濟南等府  
蝗蝻生巡按御史委官督捕所掘種子少者一二百  
石多者至一二千石六月鄒平縣飛蝗驟盛是年南  
北直隸府州縣俱蝗十年五月武陽縣蝗七月保定  
真定兗州三府蝗十一年五月高唐夏津蝗十二年

七月直隸永平真定大名鳳陽四府河南開封等六府蝗八月應天安慶兗州等府廣德州邳州建陽新安濟寧等衛蝗九月山東萊青二府蝗十三年四月諸城縣旱蝗民逃二千四百餘戶五月濟南青萊登四府蝗六月開封府及汝陽縣蝗有禿鶩萬餘下食俱盡禾稼無傷七月京城飛蝗蔽天十四年五月順天永平二府蝗六月開封濟南青州三府蝗景泰元年六月豐潤縣興州前屯衛蝗三年六月歷城長清二縣蝗四年八月松江蝗蝻生害禾稼五年六月至九月寧國安慶池州府屬縣蝗六年七月直

隸邳州海州睢寧山陽宿州及山東東兗濟三府平  
山濟南二衛蝗七年四月江浦丹徒蝗順天河間真  
定順德大名廣平諸府蝗蝻延蔓六月淮鳳揚三府  
蝗九月應天七府州縣蝗

天順元年夏應天鳳陽滁州屬縣蝗蝻生濟兗青及  
杭嘉五府各奏飛蝗傷稼二年五月南北直隸府縣  
十二及山東諸府蟲蝻生傷禾稼三年兩京直隸生  
蝗蝻河南山東亦如之六年五月兗州所屬蝗九年  
七月真定河間諸府及山東皆蝗

成化三年開封彰德衛輝蝗河間亦蝗十九年河南



蝗二十二年春直隸撫寧縣及山西平陽府蝗四月  
河南蝗二十三年徐州蝗

弘治四年夏淮揚蝗飛蔽天六年六月丙寅蝗飛過  
京師三日自東南而西北日爲之蔽八年三月當塗  
縣蝗蟲生食枝秋苗略盡

正德五年陝西鎮番衛蝗八年畿內蝗

嘉靖二年六月寶慶府蝗三年六月順天保定河間  
及徐州蝗五年丹陽丹徒金壇三縣蝗八年畿南及  
鳳淮揚三府山東河南山西共七府蝗十年西安等六  
府大旱螟食苗殆盡淮揚二府亦蝗十二年北直隸

山東蝗十五年濟南等府蝗二十八年山東遼東蝗  
三十四年濟兗東青四府蝗三十九年順天四府及  
濟南諸郡蝗南京建陽泗州等衛蝗蝻生

隆慶三年六月滄州蝗閏六月山東蝗

萬曆三十一年七月清苑縣蝗蝻大生聚若蟻起如  
蜂食禾幾盡三十四年六月順天武清文安永清三  
河寶坻大蝗三十八年四月大冶縣蝗四十四年四  
月濟南等府蝗六月平陽府蝗蒲解尤甚七月常鎮  
淮揚蝗安陽諸縣大蝗募民捕斗蝗者給以斗穀倉  
穀殆盡而蝗種愈盛至有田婦對禾號哭立而縊死

者九月按臣言江寧廣德蝗蝻大起集于田而禾黍盡集于地而菽粟盡集於山林而草木樹皮桑柰疎竹之屬條榦枝葉都爲之盡

天啓元年七月順天等處蝗五年秋定興等處飛蝗蔽天六年山東及廬鳳淮揚四府蝗

崇禎十一年八月應天安慶蝗九月兩浙山東山西陝西並蝗十二年南北直浙江山東河南皆蝗十三年七月畿南蝗飛翳空集則高於地者尺許捕掩莫施苗莠俱盡八月鎮江泰州蝗十四年六月兩京山東河南浙江旱蝗七月湖廣蝗

豕禍

萬曆二十三年春三河縣民家母彘生八豕有一人形者手足俱脩額有一眼墜地即行三十八年四月燕河路營軍家豕生豚一身二頭六蹄二尾有氣不能食乳九月遵義縣民家豕生豚徧體如象牙鼻皆全即死四十三年五月壬戌有豕妖見于遼東白塔堡四十六年五月陝西豕生豚一頭二身四耳八足頭頂一肉角角後一目六月大同衛民家產豕妖兩頭四耳四眼四十七年五月山東黃縣民家豕生豚雙頭四耳一身八足七月庚寅遼東寧遠衛民家豕

生豚身白無毛長鼻象嘴

天啓三年十月湖廣民家豕生豚長嘴猪身人腿隻  
眼旋斃

崇禎六年建昌民家豕生豚一首二身八蹄二尾十  
五年聊城縣民趙守禮家豕生豚一首兩身七蹄二  
尾

黑青黑祥

洪武十年正月丁酉夜雨黑水如墨汁池水皆黑金  
華處州諸境皆有之十四年十一月甲申黑氣亘天  
二十一年七月丙戌黑雲亦如之

永樂二十二年十二月壬戌夜黑氣生西北長五丈  
宣德元年二月戊子北方黑氣竟天八月辛巳樂安  
城中有黑氣望之如死灰

正統元年八月丙寅黑雲竟天九月辛亥黑氣濶二  
丈長亘天二年八月甲申夜黑氣亘天西行而散三  
年十月癸丑北方有黑氣長十餘丈四年八月丙戌  
黑雲生東南濶五尺辛未東方黑雲見南北亘天八  
年九月辛卯黑氣亘南北九年十月丙午北方有黑  
氣去地三尺徐徐北行乃散十四年七月癸卯夜四  
鼓黑雲離地一丈餘南北亘天八月庚戌車駕次雙

寒兒有黑雲如傘覆營上十月壬申日初出東方有  
黑雲五尋發紅光散焰如火十一月庚辰夜黑雲東  
西亘天己丑日晡西方有黑氣從地而生非雲非霧  
彷彿烟嵐之狀

景泰元年二月己卯西方黑氣如烟良久乃散壬午  
黑氣長三丈者四離地丈許兩頭銳而貫日其狀如  
魚壬寅夜黑氣南北亘天八月甲戌有黑雲如山頃  
刻分布或如龍虎或如麋鹿驚奔之狀九月辛酉夜  
黑雲數丈橫貫北斗魁十月辛未昏刻西南生黑氣  
南北亘天二年四月庚辰黑氣如烟摩地而至甲午

亦如之三年正月癸亥曉刻東南有黑雲去地不遠其形如人戴笠北面而揖

天順四年八月乙丑西北有黑色游氣移時乃散五年七月己亥夕東方有黑氣須臾蔽天

成化元年二月天雨黑黍于襄陽八年三月庚子臨清縣至德州晝晦有黑氣自西北來十二年七月庚戌京師黑背見兼旬始息是背也黑而小金睛修尾狀如犬狸先從西北隅起民家男女夜多露宿忽見有物負黑氣而來或自戶牖入雖密室亦無不至至則人昏迷徧城驚擾夜則操刀張燈有黑氣輒鳴金



擊鼓以逐之二十一年閏四月壬辰開州及清豐縣  
濮州及金鄉縣同日未申時黑雲忽起西北至半天  
雜以五色須臾復晦如夜

弘治五年二月己巳北方黑氣東西亘天六年八月  
壬申南京生黑氣東西長百餘丈十年二月丙申修  
武縣有黑氣陸地化爲石聲如雷狀如羊角十四年  
四月丁未應州黑風大作十六年二月庚子宜良縣  
黑氣迷空咫尺不辨人形十八年三月甲辰兗州府  
黑風揚沙

正德七年有黑青夜出傷人初自河間順德及涿州

尋見于京師大者如犬小者如貓風行有聲居民夜持刁斗相警達旦踰月乃息後又見河南封丘縣十二年閏十二月丁丑夜瑞州東方見紅氣尋變爲白形如曲尺中外各有黑氣相闕移時乃沒

隆慶六年四月杭州黑霧中有物蜿蜒如車輪目光掣電水電隨之

萬曆二十五年二月癸卯湖州下黑雨三十三年六月庚午靈川縣社壇地中忽有聲如雷黑氣上騰隨而地陷十餘丈深數尺

崇禎十一年二月壬子夜西安府黑氣障天是歲新

縣雨黑水十二年正月庚午有黑氣掩日摩盪久之七月癸未密雲有黑氣射城十六年帝將祭廟鹵簿已設忽見黑氣自空墜如有婦人衣白者疾飛入宮軍人皆見之是年人見太廟中鬼皆嘯呼而出又宮中常見黑青如豕如犬者行作鬼聲

### 水變

洪武五年河南黃河竭行人可涉

弘治十四年八月丙辰融縣水忽赤其濁如黃河十月丙辰馬湖府江水頓白明瑩可鑑翌日濁同泔漿凝于兩岬沙石望之如土粉至十七日乃清丁巳叙

州府東南二河忽白如雪濃如漿者三日十五年九月丙戌濮州井水溢有地裂而泉湧者有沙土隨水湧出者

正德十年文安縣河水忽僵立風色甚寒凍結爲柱高圍俱五丈中空而旁穴數日寇至民避穴中生全者甚衆

隆慶六年五月南直龍目井化爲酒

萬曆二十五年八月甲申臨淄縣不雨而濠水漲南北相觸又臨淄縣夏莊大灣潮忽至開合不常合則萬丈餘開則見底樂安縣河水逆湧臨清磚板二閘

無風大浪四十六年四月辛卯自宣武門至正陽門  
河水紅如潰血經月乃止

崇禎八年七月壬戌遼東泉鳴有聲不絕三日十年  
河南汝水變味甚惡飲者多病十三年華陰縣渭水  
赤十五年四川達川城濠水變爲血城中井鳴

## 大霧

建文元年太史奏赤日無光

正統二年十二月丁卯昏霧四塞五年七月大霧累  
日癸亥濃霧不辨人九月丁未氛霧翳日八年却海  
二州陰霧彌月夏麥不登十年六月丁卯濃霧晦冥

景泰二年鳳陽淮安二府霖霧三年三月辛巳曉霧蔽天日中不釋三月丁未亦曉霧至于己刻六年正月癸酉濃霧四塞旣而成霜附木凡五日七年九月丁丑濃霧徹夜

天順二年閏四月己巳日無光六年五月己酉昏霧四塞七年三月戊戌游氣不開晝夜昏蒙八年二月己亥天宇蒙昧日光白次日亦如之三月丙辰日無光

成化四年三月甲辰禮部言黃霧蔽天不見星日者累晝夜六年三月辛巳寧夏大風揚沙黃霧四塞九

年河臣王恕奏三月四日山東忽黑暗如夜十三年三月壬申日無光十四年三月辛卯日白無光十六年三月丙戌日慘白無光二十年五月丙申番禺縣天地昏晦良久乃復二十三年三月辛卯大霧

弘治六年六月京師大霧四日十五年十一月雲南景東衛雲霧昏黑晝夜不別者凡七日十六年四月辛亥甘肅黑霧障天咫尺不辨人物日入而息十八年廣昌縣八月至十月大霧民病死者相繼京師八月癸酉至九月甲午日無光

正德二年三月乙卯黃霧四塞三年十一月丙申夜

大霧次日始散十年四月鉅野縣大霧六日殺穀  
嘉靖元年正月丁卯日正中京師黃霧四塞三年江  
以北昏霧四塞其氣如藥十九年三月乙巳申刻京  
師黃霧頃之其色紅赤三十四年十二月晦日日光  
忽暗

隆慶二年三月癸亥黃霧蔽空

萬曆十二年四月庚戌京師黃霧九月京師濃霧三  
十五年二月己酉黃霧四塞三十六年十二月丁卯  
霧露附草木附者不下地也三十九年十一月丙午  
四十六年十一月戊戌亦如之



天啓六年六月丙戌卯時霧重如細雨閏六月己未亦如之

虹蜺

洪武九年五月丁酉白虹見十年二月己巳白虹貫日十月乙亥白虹貫日十二月甲子白虹貫日十四年正月壬子日有珥白虹貫之十五年正月丁未白虹貫日十六年正月戊申亦如之十九年三月乙巳夜白虹貫月二十二年二月戊午白虹貫日良久乃散二十八年十一月乙亥白虹分爲二貫日兩珥三十年二月辛亥白虹亘天

永樂十八年二月癸未白虹貫日兩珥隨生瑞氣其色黃白

洪熙元年正月乙未白虹貫日四月丁未亦如之閏七月壬子昏刻西北生白虹

宣德元年正月己卯昏刻白虹貫月

正統元年九月丁未夜白虹貫月十二月丙戌白虹貫月兩珥色蒼白二年七月壬寅夜北方白虹見兩頭至地三年四月庚辰白虹貫日兩珥十二月癸酉夜白虹貫月四年四月庚寅白虹見七年十二月辛丑夜月生暈白虹貫之十四年正月辛卯白虹貫月

八月戊申日生暈東北有虹蜺形如杵

景泰二年正月癸卯白虹貫日三年正月丙辰日奉  
右珥白虹各一七年九月丁丑北方白虹見首尾指  
地良久方沒

天順元年二月庚戌白虹貫日辛亥白虹左右有戟  
氣色皆黃赤貫日彌天自卯至酉二年二月乙卯白  
虹貫日七月戊申白虹見東方直起上銳長踰十丈  
成化三年七月癸酉東北方生白虹兩頭自地出二  
十年二月己未白虹亘天

弘治二年正月甲戌白虹亘天丙戌亦如之四年二

月庚戌白虹亘天六年三月戊寅夜南京見月生暈  
暈上生白虹彌天及斗橫俱有蒼白色八年七月甲  
午夜京師北方白蜺見九年三月乙酉南京白虹貫  
日十一年十二月庚申南京白虹見十三年二月己  
亥白虹彌天十七年二月癸丑白虹彌天三月庚午  
白虹亘天十八年二月己巳亦如之

正德元年正月乙酉白虹彌天十三年正月己未鄰  
水縣白虹經日

嘉靖元年二月丙戌巳時白虹彌天七年正月乙亥  
白虹彌天十一年四月庚子祥虹西見十三年二月

壬辰白虹亘天十八年十二月壬午白虹亘天四十一年十一月戊戌白虹彌天

隆慶五年三月辛巳白虹亘天

萬曆四十七年三月戊申海州白虹貫日四十八年

二月癸丑白虹彌天良久乃散

天啓元年閏二月庚午白虹彌天

龍蛇

初太祖禦元師陳瑱先於雞籠山解鞍假寐有蛇緣止臂左右驚告太祖視之蛇有足類龍而無角因祝曰若神物則棲我帽纓中蛇徐入于纓遂詣敵營殺

獲甚衆歸而忘之坐久脫帽蛇猶自若太祖乃引觴  
自酌因以飲蛇蛇亦飲久之乃去時乙未三月辛巳  
也又太祖舟發龍灣有蛇自北浮江趨蟠于舵其時  
爲辛丑八月人咸以爲龍興之兆云

正統十四年帝北狩也先於雪夜令人行刺見一大  
蛇遠帳外畏怖而去由是不敢加害

歲化初年唐縣人見二猪戲溝中頃之入大石下隨  
移石視之時大旱烟雲忽起雷電交作識者知其爲  
龍也自是每旱移石輒雨

弘治九年六月庚辰宣府鎮南口墩驟雨火發龍起

于刀鞘內十八年五月辛卯午刻有旋風大起塵埃  
四塞雲籠三殿若有人騎龍上升者已而帝崩

正德七年六月丁卯夜招遠縣有赤龍懸空光如火  
盤旋而上十二年六月山陽縣九龍見色皆黑一龍  
吸水聲聞數里攝人舟至半空十三年五月癸丑常  
熟縣俞野村有白龍一黑龍二乘雲並下口吐火目  
精若炬鱗甲頭角俱露撤去居民三百餘家吸舟二  
十餘於空中舟人墮地多怖死者

萬曆十九年六月公安縣大雨四晝夜有巨蛇形如  
牛紅頭黑身長一二丈出水往來馳突須臾堤崩陷

爲洲三十一年五月戊戌歷城大雨突出二龍推山  
走石平地水十丈四十五年八月安丘縣有青白二  
龍鬪于野傷人

崇禎十五年十月湖廣羅田龍起洪水汎溢壞城郭  
溺死人民

馬異

洪武四年蜀明昇獻良馬十其一色正白身長十有  
二尺首高九尺足高七尺有肉隱起項下厚五分廣  
三寸餘貫膺絡腹精采流動羈勒不可近近之輒人  
立而吼



永樂十八年九月乙未山東諸城縣進龍馬先是縣民有牝馬牧於海濱一日雲霧晦冥有物蜿蜒與馬接至是產駒麟臄肉鬣體具龍文其色青蒼

弘治元年二月庚申浙江景寧縣屏風山有異物成羣狀如馬大如羊其色白數以萬計首尾相銜徃西南石牛山浮空去自午至申乃滅

成化十七年六月直隸興濟縣馬產二駒

一產三男

洪武五年壽陽縣民妻產三男十四年荊州衛軍婦產三男十七年荊州護衛軍王保成妻產三男二十

六年河南衛軍王狗兒妻產三男二十八年興化衛  
軍魏保全吾後衛軍任曾兒斌賢羽林衛軍張山等  
妻各產三男二十九年西安府民孫長寧妻產三男  
永樂元年鄆陽縣民張公受上海縣民許安等妻各  
產三男三年肅州衛小旗陳驢馬烏撒衛軍人沙敢  
兒等妻各產三男六年山海衛卒王興淮安衛軍沈  
亞士靈丘縣民李文秀等妻各產三男七年密雲後  
衛百戶顧成妻產三男八年茂州衛軍人冷有祥河  
南衛軍人蔡撓兒等妻各產三男九年武陵縣民劉  
觀音保桃源縣民高五等妻各產三男十一年番禺

縣民何卓妻產三男十二月開州民李貴妻產三男  
十三年河間縣民劉驢兒妻產三男十四年金吾右  
衛小旗王貴妻產二男一女興固州民歐民受妻產  
三男十五年沅江縣民王辰妻產三男十六年牧馬  
千戶所總旗朱名妻產三男十七年蘄州民徐十三  
妻產三男十八年永川縣民蔣泰興崇慶州民趙化  
保等妻各產三男二十二年交趾南關縣民陶紀妻  
產三男

洪熙元年錦衣衛軍趙大貴交趾鎮戍衛軍沈羊保  
山陽縣民李敬等妻各產三男

宣德元年十一月錦衣衛校尉綦榮妻產四男二年  
十月浙江松門衛小旗諸伯聰妻產三男五年湖廣  
朱海妻產二男一女六年十月四川榮昌縣民錢本  
中妻產三男

正統元年浙江黃巖縣民張永暹妻產三男二年長  
洲縣民湯得男武清縣民安忠錢塘縣民程潤等妻  
各產三男三年海州衛孫三松潘衛餘丁陳剛濟陽  
衛軍士杜旺等妻各產三男四年新淦縣民任斗南  
妻產三男五年石首縣民畢么兒武陵縣民楊易貴  
臨海縣民吳訥等妻各產三男七年山陽縣民尹分

往妻產三男八年鄆縣民余士昌妻產三男十年鄆  
陽縣民顧禮新鄉縣民李永康和門縣民胡澤榮等  
妻各產三男忠義衛軍張小二妻產一男二女十  
年沅陵縣民李四兒羽林衛軍蘇阿保等妻各產三  
男十二年解州民張拾黃岩縣民胡吳閏等妻各產  
三男

景泰三年宛平縣民楊福祥橫州民莫車慶妻各產  
三男四年騰驥左衛軍匠王黑厮妻產三男五年宣  
府左衛軍陳貴三萬衛鎮撫王全等妻各產三男六  
年通州右衛中所百戶林海前衛軍孔和等妻俱產

三男七年南昌縣民謝旭安國子監生何謙閩寧縣民趙遇等妻各產三男

天順六年蒲縣民王擎兒洛南縣民王駒兒妻各產三男四年懷安衛軍餘丁成友妻產三男五年錦衣衛軍姚裕妻產三男七年光祿寺厨役龔鵬仔妻產三男

泚化元年武城中衛軍餘萬整梁山縣民謝高等妻各產三男三年驍騎衛軍餘李紀妻產三男十三年鷹揚衛軍人陳僧兒妻產三男一女十七年宿州民張真妻臍下右側裂生一男子十八年徐州民家婦

用項生二子長如彬次皮益瑩滿月兒從岐  
產十九年山西衛舍人張鉞妻產三男二十年旗守  
衛舍人徐珍妻產三男二十一年裕陵衛千戶鄧昂  
武宣縣學生原明等妻各產三男二十二年四川威  
州千戶所總旗張盛內江縣民韓遇春等妻俱產三  
男二十三年萬全衛軍餘武彪妻產三男  
弘治十七年騰驤衛百戶黃盛妻產三男一女十二  
年登吾衛指揮張軌安定關民崔瑾等妻各產三男  
甫進年前衛司吏高文桂妻產三男十五年永清衛  
軍匠玉海妻產一男二女十六年錦衣衛軍餘畢智

妻一產三男湖廣應山縣民張本華妻生鬚長三寸  
十七年順天府生員趙敷妻一產三男

正德元年無爲州民陳順沙河縣民秦友智等妻各  
產三男二年思城坊軍匠丘能泉州衛軍黃元輝等  
妻各產三男三年歸德州民田虎山妻產三男四年  
義勇衛餘丁開秀妻產三男十四年龍驤衛軍毛亨  
妻產三男

嘉靖二年曲靖衛舍人胡晟妻生一男兩頭四手三  
足五年禮部奏有婦人產一子六目四面頭有角手  
足各一節獨爪鬼聲七年西城咸宜坊軍餘齊賢妻



產三男卅年當塗縣民吳倫妻產三男一女卅二年  
黃岡縣民徐大誥妻產三男十二年安南衛民家生  
一男兩頭四手四足二十八年大同右衛舍人馬錄  
女變爲男子

隆慶二年靜樂縣有男子李原雨化爲婦人

萬曆八年南宿州村民婦一產七子三十七年繁峙  
縣民李宜妻產二女頭相連手足各分四十六年廣  
寧衛民孫應登妻產一猴二角四牙徧體毛即死  
崇禎二年吳中莫翁有一女嫁于李氏子夫婦初相  
得後化爲丈夫復娶室十五年十一月山東曹縣婦

人產一異物兩頭似猫頭有眼有角亦俱入身手長過膝

疾疫

洪武五年六月大疫止猶南康三縣大疫七月都督府營軍士多疫死帝命遣醫往視二十四年四月項城縣疫

永樂六年玉山永豐二縣疫建昌撫州及建寧邵武等府連年大疫八年寧海等州縣疫九年夏磁州武安等縣疫死者三千五十餘戶秋陝西疫十一年烏程歸安德清疫死男女萬餘鄞縣慈谿象山奉化諸

縣疫十二年武昌等府疫

宣德九年重慶涪州泰州衡州桂陽臨武蘭山衛山  
鄆雲夢淑浦夏秋疫癘死亡相繼

五統五年冬湖廣寧遠衛挑引等六所大疫七年古  
田縣大疫是歲十一月至八年四月死者一千四百  
四十餘由黃巖縣自春徂夏疫死男婦九千八百餘  
人十年台寧紹三府及陝西之西安各患疫十二年  
冬江西新城縣疫死者四千餘人

景泰四年冬建昌府大疫死者八千餘人五年武昌  
漢陽及衡州疫癘死者數萬人凍死牛三萬六千七

百八千餘頭六年六月常鎮四府瘟疫死者七萬七  
千餘人七年春夏黃梅縣大疫多絕戶者廣西桂林  
花叢男婦死者二萬餘

天順元年五月丙子巡按御史史蘭奏順天等府自  
景泰七年冬至今春夏數月間疫氣薰蒸人之病死  
者不可以數計五年西安府三十三州縣大疫長沙  
府攸縣亦大疫

成化二年鳳陽等四府潞和徐三州道殣相望疫死  
甚衆七年五月京城大疫流行軍民死者枕籍于路  
帝命崇衷等六門外各置漏澤園一區收瘞遺屍十

帝年福建大疫延及江西死者無算十二年湖廣夏  
秋亢旱大疫癘死者甚衆十三年廣西福建江西河  
南大疫十四年浙江寧紹諸府疫十六年秋瓊州府  
疫於審多死十八年三月山西疫二十三年福州等  
府饑疫甚

弘治七年四川長寧等縣疫九年八月至立冬後建  
昌等府大疫十年蓬萊黃土縣疫十四年八月融縣  
瘟疫如夏夜寒如冬疫死無算十一月贛州府瘴疫  
盛行人有朝病暮死者十五年春景東衛疫秋順寧  
府及平越衛大疫十六年大庾縣大疫十八年大庾

南康上猶興國瑞金雩都信豐七縣自夏至冬癘疫  
大作官民多死亡者

昇德元年六月平溪清浪鎮遠偏橋四衛大疫死者  
甚衆八月貴州程番等處大疫是歲南贛建昌等府  
民多死于嵐瘴者無算二年靖州等處七月至十二  
月大疫死者甚衆建寧邵武八月至十二月亦如之  
嘉祥八月遼東定遼左等二十五衛大疫死者八千  
二百餘人牲畜亦數萬十二年十月泉州府大疫十  
六年福建旱疫府縣官死者四十餘員軍民無算陝  
西莊浪衛夏秋大疫軍民死者二千五百餘人

嘉靖元年二月陝西大疫二年六月江西浮梁縣疫  
七月南京大疫軍民死者甚衆四年登州府疫三十  
三年京城內外大疫四十四年京師疫

萬曆十年三月畿輔疫十五年五月京師亢暘疫氣  
盛行四十年三月京師疫

崇禎十三年春兗濟東三府疫十四年恒山以南黃  
河以北自春徂夏瘟疫大作病死者枕籍順德知府  
長垣大名曲周武強任縣武邑知縣亦以疫死所在  
門庭晝掩燐火夜青又魚臺至南陽民之疫死者淤  
積永涯河爲不流十五年十月榆林定邊諸堡疫十

木筆春京師大疫先是京營邏卒夜宿棋盤街見一  
老人囑曰夜半有婦人縞素涕泣自西而東勿令過  
過則厄不淺雞鳴可免如期婦果至邏者阻之婦  
曰我來行罰此方若何聽老人言阻我災首及汝矣  
言畢不見邏者奔告家人語未終仆地死又河北小  
兒見人由而毛逐之入廢棺中發則白毛飛徧空未  
幾疫大作名曰羊毛瘟是歲舉場左右人鬼錯雜薄  
幕人屏不行市上貿易多得紙錢乃置水投之有聲  
則錢無聲則紙

數妖



洪武二年八月庚辰天鳴四年八月乙酉夜天鳴五  
年四月縣城潯州府天鳴十一年遂昌縣有大聲如  
鐘自天而下無形此鼓妖也十五年二月甲戌天鼓  
鳴二十一年八月丁巳天鳴祭亥天鼓鳴次日復鳴  
二十五年九月乙酉夜天鳴二十六年三月乙卯夜  
東南天鼓鳴二十七年三月壬戌夜天鳴八月戊子  
夜天鳴二十八年三月戊午夜西南天鳴有聲如風  
水相薄六月癸亥天鳴九月戊戌甲夜天鳴如瀉水  
二十九年四月戊子東北天鳴  
永樂元年九月遼東天鼓鳴七年十月辛丑夜東南

天鳴

宣德元年七月天鼓鳴者再八月甲子東南天鳴越  
四日丁卯復鳴戊辰東南有聲如雨陣迭至辛未東  
南有大聲如萬鼓癸酉東南天鳴如風水相搏久乃  
止庚辰如之

正統七年十一月丁巳戊夜西南天鳴戊午夜天鳴  
有聲自西北來如瀉水己未東南方天鳴亦如之辛  
酉天鳴十年三月庚寅西北方天鳴其聲如群鳥飛  
十二年九月甲午夜天鳴十四年八月天鼓鳴者三  
九月壬午夜天有聲息而復鳴

景泰元年六月丙戌東方天鳴丁亥復鳴七月庚申  
夜天有聲如瀉水二年正月庚申天鳴六月癸酉南  
京天火鳴七年三月辛未天無雲而天鼓有聲如雷  
天順四年八月庚午夜天鳴六年九月乙巳夜三鼓  
天無雲有聲如雷七年二月丙戌帝聞空中有聲以  
語大學士李賢明日賢亦聞之五月乙未天鳴聲如  
瀉水

成化六年二月甲戌魯山縣天鼓鳴四月辛酉天鼓  
鳴十二年十二月辛卯臨汾縣天鼓鳴其聲如砲是  
年榆林亦如之十三年四月戊戌甘肅天鼓鳴十四

年六月辛亥臨晉縣天鳴十九年二月甲申永寧縣  
天鳴如雷聲震林谷禽獸飛走人民驚懼二十三年  
四月乙酉代州天鳴者三其聲如砲五月乙卯再鳴  
聲亦如之九月丙寅汾州府天鳴

弘治元年二月陝西天門開人馬百萬自上而下九  
月丙丑涼州衛天鳴如雷十月丁未解州天鳴二年  
平朔甲辰代州天鳴四年四月辛酉澤州天鳴聲如  
雷六月甲戌真定府星隕西北紅光燭天俄天鳴  
聲如鼓又如奔車良久方止五年十月壬子廣寧前  
臨飛鼓鳴六年七月丙辰寧遠縣天鼓鳴九月庚子

桐柏縣天鳴十二月庚辰阜平縣天鼓鳴七年三月  
丙辰解州天鳴十二月丁巳肅州天鼓鳴八年四月  
甲戌太平縣天鼓鳴十二月乙丑靖魯衛天鼓鳴是  
年肅州衛鳴者凡四九年正月庚子陝西金州天鼓  
鳴閏三月己未平涼府天鼓鳴八月壬寅遼府鳳凰  
城天鼓鳴九月乙卯肅州衛天鼓鳴十年正月壬子  
寧夏中衛天鳴如雷者數聲鄜州亦同日鳴九月乙  
巳永平府天鼓鳴十月壬申萊州府天鼓鳴十一年  
正月戊辰寧夏天鳴若雷五月乙未肅州天鼓鳴七  
月癸卯肅州衛復鳴癸丑南京天鳴八月壬申台州

采鼓鳴卅二年二月乙卯寧夏衛天鼓鳴九月癸亥  
和城縣天鼓响如雷十三年四月乙巳太原府天鼓  
鳴七月戊寅莊浪衛天鼓鳴十四年正月壬申蓋州  
永寧天鼓鳴如雷閏七月辛巳壽光縣天鼓鳴八月  
乙亥大名府天鼓鳴十五年十月丙午濟寧州天鼓  
鳴十七年三月乙亥安丘縣天鼓鳴十二月丁巳登  
州府天鼓鳴十八年正月癸巳登州等府天鼓鳴者  
三九月庚寅濟寧州及魚臺縣天鼓鳴十月丁丑甘  
肅州天鼓鳴十一月庚子遼東天鼓鳴

英德元年二月壬子夜東北方天鳴其聲如風水相

薄三月壬午天鼓鳴九月癸丑萊州掖縣天鼓鳴十月戊午確山縣天鼓鳴二年閏正月乙酉萊州府天鼓鳴十一月丙辰濟寧州及魚臺縣天鼓鳴三年五月丑卯禮縣天鼓鳴如雷四年四月癸酉肅州衛兩山中營天鼓鳴八月丙戌天鼓鳴自西北往東南聲如雷十一月丁丑沂州郯城縣俱天鼓鳴五年五月丑卯廣寧天鼓鳴次日復鳴六年正月乙亥臨洮府天鼓鳴二月丁未寧夏天鼓鳴三月丙子曹州天鼓鳴其聲如雷五月庚戌泰安州天鼓鳴如雷七月戊辰錦義州城天鼓鳴十二月丁亥澤州天鼓鳴七年正

月己酉招遠縣天鼓鳴二月丁未柘城縣天鼓鳴聲  
如雷六月壬子漢中府天鼓鳴丁卯招遠縣復鳴八  
月丙午開封府天鼓鳴十月甲子廣寧等衛天鼓鳴  
十一月癸酉常德府天鼓鳴九年二月丁未單縣天  
鼓鳴丁巳莊浪衛天鼓鳴五月己卯賓州天鼓鳴六  
月甲辰鳳陽府天鼓鳴十一月癸酉襄陵縣天鼓鳴  
如雷十年三月辛酉廣寧衛天鼓鳴四月甲寅魚臺  
縣天鼓鳴十一年十一月己卯萬全都司天鼓鳴十  
二年二月癸亥莊浪衛天鼓鳴六月壬申建昌縣天  
鼓鳴閏十二月壬申曹州天鼓鳴十三年正月丙午



竹谿縣天鼓鳴癸丑莊浪衛天鼓鳴己未鄰水縣天鼓鳴二月癸酉蒲河中左所天鼓鳴十一月戊申遼東及海州蓋州二衛天鼓鳴十五年四月丙戌鞏昌府天鼓鳴十一月庚午崇明沙千戶所天鼓鳴十六年五月二十二日遼東天鼓鳴者三六月戊子思州府天鼓鳴九月丁巳瀋陽中衛天鼓鳴如雷

嘉靖二年七月壬申定海等衛空中有聲如雷八月己巳廣寧衛天鼓鳴三年正月丙子洛陽偃師新安等縣天鼓鳴五月己丑霍丘縣天鼓鳴五年九月壬戌蔚州衛天鼓鳴十一年五月郟城縣天鼓如雷十

二年五月丁未和縣天鼓鳴十三年四月壬寅鳳陽  
縣天鼓鳴如雷五月辛巳朔應二州天鼓鳴十四年  
七月丁亥交城縣天鼓鳴九月戊子開封府白晝天  
鼓鳴十九年五月辛丑棗強縣天鼓鳴二十年六月  
癸未大同府天鼓鳴二十一年五月辛巳甘肅天鼓  
鳴二十一年甲寅交城縣天鼓鳴十二月己丑甘肅天  
鼓鳴聲如雷二十二年十月己卯二十五年八月庚  
寅三十五年四月辛丑八月辛亥並甘肅天鼓鳴三  
十八年七月丁巳山丹衛天鼓鳴四十年六月壬午  
蘭州莊浪等衛天鼓鳴四十一年正月庚子真定天

鼓鳴四年十二月癸卯懷慶府天鼓鳴

隆慶元年十二月西寧衛天鼓鳴二年春正月新城  
縣空中迅響如雷三月甲寅西寧衛天鼓鳴十一月  
太原府天鼓鳴三年三月甲寅西寧衛天鼓鳴十二  
月庚子天鼓鳴四年十一月丁卯遼東天鼓鳴五年  
六月甲午萬全都司天鼓鳴十月丁未鞏昌府天鼓  
鳴者再

萬曆三年五月癸亥景州天鼓鳴三聲十一月丁酉  
松潘天鼓鳴四年十一月甲午費縣天鼓鳴五年閏  
八月乙巳陰雲凝結天鼓大鳴十三年四月壬子萬

全都司天鼓鳴如雷七月辛巳天鼓鳴十五年三月  
戊午平涼府天鼓鳴六月丁卯天無雲兗州平陰縣  
西北忽震響如雷九月甲午涼州天鼓鳴十七年正  
月庚申西寧衛天鼓鳴癸亥萬全都司天鼓鳴五月  
辛亥西寧衛復鳴六月辛巳石峽水泉堡天鼓鳴聲  
如雷九月戊午袁州府萬載縣天鼓鳴十一月壬辰  
登州府天鼓鳴十八年山西陝西天鼓鳴者六十九  
年四月辛酉遵化縣天鼓鳴五月己丑甘肅鎮天鼓  
鳴六月壬寅陽和城天鼓鳴甲寅左雲衛天鼓鳴七  
月甲戌西寧巴煖等處天鼓鳴十月己未易州天鼓

鳴中六月癸酉猗氏縣天鼓鳴丁丑甘肅山丹洪水  
等處天鼓鳴二十年陝西天鼓大鳴二十一年四月  
己丑館陶縣天鼓鳴十月戊戌陝西三邊天鼓鳴二  
十二年四月館陶縣天鼓鳴戊午鎮彝所天鼓鳴六  
月丙辰臨汾襄城翌城同時天鼓鳴肅州衛亦鳴乙  
丑西寧天鼓鳴九月辛巳西寧復鳴三日十月壬戌  
馬城堡天鼓鳴二十五年二月萬全都司天鼓鳴八  
月壬午榆林衛天鼓鳴甲申松山天鼓鳴二十七年  
三月壬子河南天鼓鳴三月癸巳遵化縣天鼓鳴庚  
子蓋州衛天鼓鳴四月丙辰廣寧天鼓鳴二十八年

本月戊戌西北方有聲如雷三十二年五月乙卯青  
城縣天鼓鳴十月戊辰四川資陽縣空中有聲似雷  
非雷三十四年八月癸丑揚州泰州天鼓連鳴六日  
三十五年十月庚申西安府天鼓鳴者三戊辰長安  
咸寧縣復鳴三十六年三月庚寅寧夏天鼓鳴八  
月歲寅南京西南天鳴如泄水者久之甲寅東南又  
鳴隆隆有聲庚辰西南再鳴聲亦如泄水三十七年  
五月辛丑金州天鼓鳴九月庚辰留都天西南有聲  
如風鐸如濤者累日三十八年二月壬申陽曲縣天  
鼓鳴三十九年三月壬子天鼓鳴四十年六月丁丑

蒲州天有聲如雷四十一年七月癸酉寧夏天鼓鳴  
中平月己卯定襄縣天鼓鳴四十三年六月乙巳臨  
汾縣天鼓鳴四十四年正月丁丑易州紫荆關天鼓  
鳴戎戎洮州天鼓鳴四十五年五月甲戌鳳陽府天  
鼓鳴四十六年六月丙子寧遠堡天鼓如大砲之震  
者一聲自東北而趨西北

天啓二年七月丙辰清原縣天鼓鳴十月壬辰蔚州  
天鼓大鳴三年三月乙巳薊鎮天鼓鳴六年五月戊  
申密雲縣有聲如雷至初九日復發聲憲扉動搖人  
多驚駭七年八月丁巳崇禎踐祚時方視朝大聲發

平殿之西伏焉皆驚百僚震恐此鼓妖也

崇禎十年十月乙卯蜀地天鼓鳴十二年二月乙卯  
天有聲如雷從北而南丙辰天鼓復鳴三月己卯保  
定府天響如雷

隕石

成化六年六月壬申山東陽信縣隕石一碎爲三其  
色外黑內青十四年六月辛亥隕石于山西臨晉縣  
聲聞三十餘里入地三八大如升其色黑二十三年  
五月壬寅東鹿縣日向晚空中响如雷尋有青氣墜  
地掘之得黑石二一如碗一如雞卵



弘治三年三月陝西慶陽府雨石無數大者如鷺鴨  
卵小者如雞頭實皆作人語說短長四年十月丁巳  
光山縣有紅光如電自西南而東北聲如鼓久之入  
地化爲石火如斗十年二月丙申修武縣有黑氣墜  
地化爲石聲如雷狀如羊角十二年五月戊寅朔州  
空申聲如急雷隨有白氣上騰隕大石三

正德九年五月己卯隕石于濱州十三年正月己未  
彰德縣隕石一

嘉靖十九年五月辛丑棗強縣星隕爲石四四十二  
年三月癸卯懷慶府隕石入地尺許

隆慶二年三月己未新城縣空中有聲如雷隕石二  
色黑

萬曆三年景州城北有流星二晝隕化爲石黑色十  
七年九月庚午萬載縣有黑烟騰越隕石于演武廳  
畔十九年四月辛酉遵化縣空中有火光隨隕石二  
十四年五月庚辰夜有墜星下撫寧至地爲石四十  
四年正月丁丑源泉有火光隕地化爲石崩裂四十  
五年八月武城縣天降異物三枚其聲如雷  
崇禎六年九月丁未太康縣星隕爲石